

t017



傳燈達磨禪經

佛敎跋陀羅譯

佛滅度後尊者大迦葉尊者者阿難尊者者末田地尊者者舍那婆斯
乃至尊者者不若多羅以此惠灯次第傳授我今如其所聞而說是義

昭和17.9.1.
762694



景德傳燈錄序

翰林學士朝散大夫行寄諫知制誥修國史判史館事杜國
南陽郡開國侯食邑一千一百戶賜紫金魚袋官楊億撰

昔釋迦文以受然燈之夙記當賢劫之次補降神演化四十
九年開權實顯漸之門垂半滿偏圓之教隨機悟理爰有三
乘之差接物利生乃度無邊之衆其悲濟廣大矣其軌式
備具矣而雙林入滅獨顧於欽光屈晦相傳首從於達磨不
立文字直指心源不踐階梯徑登佛地逮五葉而始盛分千
燈而益繁達寶所者蓋多轉法輪者非蓋大雄付囑之
旨正眼流通之道教外別行不可思議者也

聖宋啓運人靈幽贊

太祖以神武戡亂而宗澤剎闢度門
太宗以欽明御辯而述祕詮暢真諦

雲石
多事



皇上以睿文繼志而序聖教繹宗風煥雲章於義天振金聲於覺苑蓮藏之可密契竺乾之緒克昌殖衆善者滋多傳了義者聞出圓頓之化流於區域有東吳僧道原者冥心禪悅索隱空宗披弈世之祖圖采諸方之語錄次序其源派錯綜其辭句由七佛以至大法眼之嗣凡五十二世二十七自一人成三十卷目之曰景德傳燈錄詰

闕奉

進異於流布

皇上爲佛法之外護嘉釋子之勤業載懷重慎思致悠久乃

詔翰林學士左司諫知制誥臣楊億兵部員外郎知制誥臣李維太常丞臣王曙等同加刊削俾之裁定臣等昧三學之旨迷五性之方乏臨川翻譯之能憎毗邪語默之

要恭承

油素文選任彦昇表曰人以蓄一注曰素絹之山云以油素而記錄其言語也油用竹筒去油而錄素也

嚴命不敢牢讓竊用探索匪遑寧居考其論議之意蓋以真空爲本將以述曩聖入道之因標昔人契理之說機緣交激若挂於箭鋒智藏發光旁資於鞭影誘導後學數暢玄猷而摺撫之來徵引所出糟粕多在油素可尋其有太士示徒以一言而開演舍靈聳聽乃千聖之證明屬槩舉之是資取少分而斯可若乃別加潤色失其指歸既非華竺之殊言頗近錯雕之傷寶如此之類悉仍其舊況又事資紀實必由於善叙言以行遠非可以無文其有標錄事緣縷詳軌迹或辭條之紛糾或言筌之猥俗並從刊削俾之綸貫至有儒臣居士之問答爵位姓氏之著明校歲歷以愆殊約史籍而差謬咸用刪去以資傳信自非啓投針之玄趣馳激電之迅機開示妙明之真心祖

述苦空之深理即何以契傳燈之喻施刮膜之功若乃但述感應之徵符專叙參遊之轍迹此已標於僧史亦奚取於禪詮聊存世系之名庶紀師承之自然而舊錄所載或掇粗而遺精別集具存當尋文而補闕率加采擷爰從附益逮於序論之作或非古德之文閒廁編聯徒增植釀植釀二字出唐張燕公文集謂死長也亦用簡別多所屏去訖茲周歲方遂終篇臣等性識媿於冥煩學問慙於涉獵天機素淺文力無餘妙道在人雖剗心而斯父玄言絕俗固牆面以居多濫膺推擇之私靡著發揮之効已克終於紬繹將仰奉於清閒莫副宸襟空塵睿覽謹上

西來年表

南齊

太祖高皇帝
姓蕭諱道成

後魏

高祖孝文皇帝諱宏姓拓跋氏第六帝即位
改元延興當宋明帝泰始七年辛亥歲至太和
十八年遷都洛陽二十年改姓元氏

受宋禪即位都護

己未建元元年

太和三年

庚申二年

四年

辛酉三年

五年

壬戌四年帝崩

六年

世祖武帝

諱贍
即位

癸亥齊明元年

七年

甲子二年

八年

乙丑三年

九年

丙寅四年

十年

丁卯五年

十一年

戊辰六年

十二年

己巳七年

十三年

建元天監

天監元年

癸未二

甲申三

乙酉四

丙戌五

丁亥六

戊子七

己丑八

庚寅九

辛卯十

壬辰十一

癸巳十二

甲午十三

乙未十四

丙申十五

四年

正始元年

三

二

四

太平元年

三

二

四

延昌元年

二

三

四

帝崩

肅宗孝明皇帝

諱胡即位
改元

熙平元年

丁酉十六年

戊戌十七

己亥十八

庚子

普通元年 達磨至

傳太子達磨頭陀

辛丑二

傳太子唱賣妻子

壬寅三

癸卯四

甲辰五

乙巳六

詔迎傳太子

丙午七

丁未

大通元年三月改元舊本傳

燈至月百達磨至金陵誤也

戊申一

二年

神龜元年

二年

正光元年

正光元年 正光元年依梁僧寶唱續法記云此年達

磨至梁而入魏於理可取

二

三

四

五

孝昌元年

二

三

傳燈舊至月二十三日達磨居於洛陽誤也

三

武泰元年二月帝崩立幼主劉劭月崩立莊帝 正光元年

遺書法記云達磨此年示滅於理可取

敬宗孝莊皇帝

諱子攸即位

改元建義

建義元年九月又改元永安

巳酉中大通元年	庚戌	辛亥三十一統薨	壬子四	癸丑五	甲寅六
永安元年	十二月帝崩若依寶唱續漢傳即魏使歸洛姜邁達唐西歸當在此年蓋明帝已崩而孝莊尚在位故也	前廢帝 諱恭二月即位 改元普泰	普泰元年 二月帝廢	後廢帝 諱明並泰元年六月高祖立帝於信都改元中興元年至三年四月廢之	出帝 諱修廣普泰二年四月即位 改元太昌
			太昌元年 十二月又改永熙	永熙元年	二年
三年七月帝迫於其相高祖出居關中權立清河王世子善見為主都鄴是為東魏於是魏分為東西十二月帝遇燹崩					

乙卯大開元年	丙辰二年	丁巳三年	戊午四年	巳未五年	庚申六年	辛酉七年
大統元年	二年	三年	四年	五年	六年	七年
西魏 都長安	文皇帝 諱寶炬景明王愉之子	西魏 都長安	西魏 都長安	西魏 都長安	西魏 都長安	西魏 都長安
東魏 都鄴	孝靜帝 諱善見高祖奉帝即位改元永熙三年為天平	東魏 都鄴	東魏 都鄴	東魏 都鄴	東魏 都鄴	東魏 都鄴
三年舊本傳云十月五日達磨卒十二月葬洛陽熊耳山時洛陽屬東魏誤	四年	元象元年	興和元年舊傳云奉使自西域回奏啓達磨墳見空棺隻履誤	二年	三年	三年

右後魏十二主合一百四十九年分為東西魏

戊戌	八年	四年	武定元年
癸亥	九年	二年	
甲子	十年	三年	
乙丑	十一年	四年	
丙寅	十二年	五年	
丁卯	十三年	六年	
戊辰	十四年	七年	
巳巳	十五年		
簡文帝	位改元	十六年	八年 五月禪于北齊
庚子	十六年		右東魏主十七年
			北齊 都鄴
			文宣帝 諱洋姓高權之
			第三子三月受禪
			建元天保
			天保元年

辛未	二年 侯景廢帝而立豫章王棟尋弒帝十月	丁七年	廢帝 諱欽文帝長子即位改號	二年 三祖見于祖
壬申	承聖元年	元年		三年
癸酉	二年	二年		四年
甲戌	三年 十月帝為魏軍所執尋弒之	三年 正月宇文泰廢帝而立齊主廓	五年 思大止大蘇山	
敬帝	諱方智元帝既被執蕭詠自立	元年	元年	
	為後梁都江陵王			
	僧辯陳霸先奉帝			
	為梁主承聖四年九月即位			
乙亥	紹泰元年	二年		六年
丙子	太平元年	三年 十二月帝遜位于周		七年

右西魏三主合二十三年

後周 都長安

閔帝 諱覺姓宇文文帝 泰之子受禪于西魏

即位年稱元年

元年 南史以次年為元年

二年 九月宇文護廢帝為

略陽公尋弒之

明帝 諱毓文帝泰之長子宇文護立之即位

改元武定

武定元年 南史云亦稱元

年不改号

陳 都金陵

右梁四主合五十六年

陳

丁丑 二年十月進丞相陳霸先爵為陳王帝遜位于

高祖武帝 諱顓先

姓陳氏

受禪于梁即位建

元永定

永定元年

戊寅 二年 省者進具

巳卯 三年 省帝崩

文帝 諱蒨始興王長子

即位

庚辰 天嘉元年

省者詔思大於大蘇山

二年

武成元年 陳紀云方建年

号

二年

武帝 諱暹文帝第四子以遺詔即位

保定元年

後梁宣帝崩子肅立是為明帝改元天保

二年

三年

四年

五年

九年

十年 十月帝崩

廢帝 諱殷末皇帝

長子

乾明元年 太后令廢帝

昭帝 諱演權之第六子

八月即位改元皇建

皇建元年

二年 帝崩

武成帝 諱湛權之第五子即位改元大業

大業元年

清和元年

二年

三年

四年 帝禪位于太子自稱太上皇

太上皇

乙酉 六年

甲申 五年

癸未 四年

壬午 三年

辛巳 二年

乙酉

丙戌	天康元年四月帝崩	天和元年	後主	諱緯受禪即位
廢帝	諱伯宗文帝長子	二年	改元天統	
丁亥	光大元年思大遷南嶽	三年	天統元年	
戊子	帝廢	四年	二年	
宣帝	諱瑱昭烈王之子以太后命即位	五年	三年	
己丑	天建元年傅大士卒	六年	四年	
庚寅	智者往金陵	七年	五年	
辛卯	三年	八年	六年	
壬辰	四年	九年	七年	
癸巳	五年	十年	八年	
甲午	六年	十一年	九年	
乙未	七年	十二年	十年	
智者隱天台				

丙申	八年	五年	七年十一月為周武所敗改元隆化	隆化元年德安王延宗即位
丁酉	九年	六年	於晉陽改元德昌尋為周所虜	
戊戌	十年	七年	幼主	名恒後主以聖氣者言有華易故傳位幼主自稱太上皇
己亥	十一年	八年	承光元年正月幼主即位	
宣帝	諱斌武帝長子即位	九年	十合後主並為周所虜國滅	
靜帝	諱術後改名闡宣帝長子宣帝	十年	右北齊主合于公年為周所滅	
大象元年	於鄴宮傳位改元大象	十一年		
宣帝崩復釋道二教以大丞相楊堅為相國逢爵		十二年		

辛丑	十三年	為王備九錫
	大定元年 正月改元二月遜位于隋	右後周王主合三十二年禪于隋
	隋	都長安
	高祖文帝	諱堅姓楊氏大定元年二月受禪二周即位建元開皇
壬寅	十四年 正月帝崩	開皇元年
	後主	諱叔寶皇帝
癸卯	至德元年	長子即位
甲辰	二年	三年
乙巳	三年	四年
丙午	四年	五年
丁未	禪明元年	六年
戊申	二年	七年
		八年
		後梁蕭肅立
		後梁改元廣運
		後梁三主合三十三年是歲隋廢之

巳酉	三年 正月隋將韓擒入建	九年 平陳天下一統
	業廣後主國亡	
	右陳王主合三十二年隋滅之	
庚戌		十年
辛亥		十一年
壬子		十二年
癸丑		十三年
甲寅		十四年
乙卯		十五年
丙辰		十六年
丁巳		十七年
戊午		十八年
巳未		十九年
庚申		二十年
辛酉		仁壽元年
壬戌		二年
癸亥		三年
甲子		四年 七月帝崩
		智睿卒
		四祖見三祖
		二祖卒

諱廣高祖第二子
即位

王祖卒

二年

四年

五年

六年 七年 八年 九年

于年

十年 十二年

十三年

帝幸江都遙尊為太上皇

諱侑煬帝之孫元德太子昭之子土月唐公
入京立帝改元義寧

義寧元年

二年

二月煬帝崩五月帝遜位于唐

音

隋三主合二十八年禪于唐

達磨至中國今取正宗記爲定蓋依梁僧寶唱續法記昔那連耶舍與萬天懿譯七佛至二十八祖傳法事梁簡文帝因使臣劉懸運往北齊取其書詔寶唱編入續法記也

重刊景德傳燈錄狀

湖州路道場山護聖萬歲禪寺耆舊僧希渭係慶元

路昌國州人氏俗姓董自幼投禮本路在城觀音禪寺

絕照和尚爲師訓到法名授禮慈溪縣開壽普光禪寺

龍源和尚薙髮爲僧仍禮五臺律寺雪涯和尚受具戒

挾策西遊放包靈隱後值先師龍源和尚遷住茲山隨

師叅請迨今有年每念師恩未由報効伏覩從上

佛祖景德傳燈錄三十卷七佛至法眼之嗣凡五十二世

景德至延祐丙辰凡三百一十七年舊板銷朽無存後

學慕之罔及爲此發心重刊忽得本路天聖禪寺松廬

和尚所藏廬山穩庵古冊最爲善本良愜素志遂於丙

辰年正月初十日將衣鉢估唱得統金一万二千餘

緡是日命工刊行于世流通祖道此錄總計三十六万

七千九百一十七字至當年臘月一日畢工隨即印捨三百部於兩浙安衆名山方丈蒙堂衆寮各一部以便湖海辦道禪衲參究集茲善利用報四恩併資三有者

大元延祐三年臘月一日老目舊僧 希渭 謹狀

小比丘 文雅 董役

富山住持嗣祖比丘 吉洵 主緣

景德傳燈錄卷第一

七佛天竺祖師異本不記 宋沙門道原纂

七佛

毗婆尸佛 尸棄佛

毗舍浮佛 拘留孫佛

拘那含牟尼佛 迦葉佛

釋迦牟尼佛

天竺二十五祖內一祖旁出無錄

第一祖摩訶迦葉 第二祖阿難難旁出未田底迦

第三祖商那和修 第四祖優波鞠多

第五祖提多迦 第六祖彌遮迦

第七祖婆須蜜 第八祖佛陀難提

第九祖伏默蜜多 第十祖脇尊者

第十一祖富那夜奢

第十二祖馬鳴大士

第十三祖迦毗摩羅

第十四祖龍樹大士

叙七佛

古佛應世，緣歷無窮，不可以周知而悉數也。故近譚賢劫，有千如來，既于釋迦，但紀七佛。案長阿含經云：七佛精進力，放光滅暗冥，各各坐諸樹於中，成正覺。又曼殊室利為七佛祖師，金華善慧大士登松山頂，行道感七佛，引前維摩接後。今之撰述，斷自七佛而下。

毗婆尸佛

過去莊嚴劫第九百九十八尊

偈曰：身從無相中受生，猶如幻出諸形象。

幻人心識本來無，罪福皆空無所住。長阿含經云：人壽八萬歲時，此佛出世，種刹利姓拘利若父槃頭母槃頭婆提居般頭婆提城，坐波波羅樹下，說法三會，度人三十四萬八千人，神足二名，審茶二名，提舍侍者無憂子方膺。

神是大論佛曰：舍利弗目連是二人者是我弟子，智慧了才一論云：妙用難測，故名爲神，能於微依故名爲足。

尸棄佛

莊嚴劫第九百九十九尊

偈曰：起諸善法，本是幻造；諸惡業亦是幻身。

如聚沫心如風，幻出無根無實性。長阿含經云：人壽七萬歲時，此佛出世，種刹利姓拘利若父明相母光耀居光相城，坐芥陀利樹下，說法三會，度人二十五萬，神足二名，阿毗浮二名，婆娑侍者忍行子無量。

毗舍浮佛

莊嚴劫第一千尊

偈曰：假借四大以爲身心，本無生因，境有前

境若無心，亦無罪福。如幻起亦滅。長阿含經云：人壽六萬歲時，此佛出世，種刹利姓拘利若父善燈母稱戒居無喻城，坐婆羅樹下，說法三會，度人十三萬，神足二扶遊二鬱多摩侍者寂滅子妙覺拘留孫佛。見在賢劫第一會偈曰：見身無實，是佛身了；心如幻，是佛幻了。得身心本性空，斯人與佛何殊別。長阿含經云：人壽四萬歲時，此佛出世，種婆羅門姓迦葉父禮得母善枝居安和城，坐尸利沙樹下，說法一會，度人四萬，神足二薩尼二毗樓侍者善覺子上勝。

拘那含牟尼佛

賢劫第二會

偈曰佛不見身知是佛若實有知別無佛

智者能知罪性空坦然不怖於生死長阿含經云人壽二萬歲

時此佛出世種婆羅門姓迦葉父大德母善勝居清淨城坐烏

暫婆羅門樹下說法一會度人三萬神足二舒槃那二鬱多樓

侍者安和子道師

迦葉佛

賢劫第三會

偈曰一切眾生性清淨從本無生無可滅即此身

心是幻生幻化之中無罪福長阿含經云人壽二萬歲時此佛出

世種婆羅門姓迦葉父梵德母財主居波羅奈城坐尼拘律樹

下說法一會度人三萬神足二提舍二婆羅婆侍者善支子集軍

釋迦牟尼佛

賢劫第四會

姓刹利父淨飯天母大淸淨妙位登補處

生梵率天上名曰勝善天人亦名護明大士度諸天眾說補處

行亦於十方界中現身說法普耀經云佛初生刹利王家放

大智光明照十方世界地涌金蓮華自然捧雙足東西及南北各

行於七步分手指天地作師子吼聲上下及四維無能尊我者即

周昭王二十四年甲寅歲四月八日也至四十二年二月八日年十九

欲求出家而自念言當復何遇即於四門遊觀見四等事心有

悲喜而作思惟此老病死終可厭離於是夜子時有一天人名

曰淨居於窓牖中叉手白太子言出家時至可去矣太子聞已

心生歡喜即逾城而去於檀特山中修道始於阿藍迦藍處三

年學不用處定知非便捨復至鬱頭藍弗處三年學非非想定知

非亦捨又至象頭山諸外道日食麻麥經于六年故經云以無心

意無授行而悉摧伏諸外道先歷試邪法示諸方便發諸異

見今至菩提故普集經云菩薩於二月八日明星出時成佛號

天人師時年三十矣即穆王二年癸未歲也既而於鹿野苑中

為憍陳如等五人轉四諦法輪而論道果說法住世四十九年後

告弟子摩訶迦葉吾以清淨法眼涅槃妙心實相無相微妙

婆耆又摩
河迦葉此云
飲光勝尊

正法將付於汝汝當護持并勅阿難副貳傳化無令斷絕而
說偈言法本法無法無法亦法今付無法時法法何曾法爾
時世尊說此偈已復告迦葉吾將金縷僧迦梨衣傳付於汝
轉授補處至慈氏佛出世勿令朽壞迦葉聞偈頭面禮足曰善哉
善哉我當依勅恭順佛故爾時世尊至拘尸那城告諸大眾吾今
背痛欲入涅槃即往熙連河側娑羅雙樹下右脇累足泊然宴寂
復從棺起為母說法特示雙足化婆耆并說無常偈曰諸行
無常是生滅法生滅滅已寂滅為樂時諸弟子即以香薪煎茶
毗之燼後金棺如故爾時大眾即於佛前以偈讚曰凡俗諸猛熾
何能致火焚請尊三昧火闍維金色身爾時金棺從坐而舉
高七多羅樹往反空中化火三昧須臾灰生得舍利八斛四斗即
穆王五十二年壬申歲二月十五日也自世尊滅後二十七年教
至中夏即後漢永平十年戊辰歲也

天生二十五祖

第一祖摩訶迦葉摩竭陀國人也姓婆羅門父飲澤母香志昔
為鍛金師善明金性使其柔伏付法傳云嘗於久遠劫中毗盧
佛入涅槃後四眾起塔塔中像面上金色有少缺壞時有貧女將
金珠往金師所請飾佛面既而因共發願願我二人為無姻夫
妻由是因緣九十一劫身皆金色後生梵天天壽盡生中天摩竭
陀國婆羅門家名曰迦葉波此云飲光勝尊蓋以金色為號
也繇是志求出家異度諸有佛言善來比丘鬚髮自除袈裟
著體常於眾中稱歎第一復言吾以清淨法眼將付於汝汝
可流布無令斷絕涅槃經云今時世尊欲涅槃時迦葉不在眾
會高僧傳記評曰昔涅槃會之初如來告諸比丘等不應作如是語我今所有無上正法悉已付囑
摩訶迦葉是迦葉者當為汝等作大依止然正宗者聖人密相傳授不可必知其處與時也
以經酬之則法華先而涅槃後也方說法華迦葉預焉及涅槃本而不在其會言謂付法之時其在
二經之間耳或謂迦葉結花入付法於多子塔前然此未見所出吾雖稍取亦不敢果以為審也
佛告諸大弟子迦葉來時可令宣揚正法眼藏爾時迦葉在耆闍
崛山賓鉢羅窟觀勝光明即入三昧以淨天眼觀見世尊於熙連

河側入般涅槃乃告其徒曰如來涅槃也何其駛哉即至雙樹間
悲戀號泣佛於金棺內現雙足爾時迦葉告諸比丘佛已茶毗
金剛舍利非我等事我等宜當結集法眼無令斷絕乃說偈
曰如來弟子且莫涅槃得神通者當赴結集於是得神通者悉
集王舍耆闍崛山賓鉢羅窟時阿難爲漏未盡不得入會後
證阿羅漢果由是得入迦葉乃白衆言此阿難比丘多聞總持
有大智慧常隨如來梵行清淨所聞佛法如水傳器無有遺
餘佛所讚歎聰敏第一宜可請彼集修多羅藏大衆默然迦
葉告阿難曰汝今宜宣法眼阿難聞語信受觀察衆心而宣
偈言比丘諸眷屬離佛不莊嚴猶如虛空中衆星之無月說
是偈已禮衆僧足升法坐而說是言如是我聞一時佛住其處
說其經教乃至人天等作禮奉行時迦葉問諸比丘阿難所宣
錯謬乎皆曰不異世尊所說迦葉乃告阿難言我今年不久留

今將正法付囑於汝汝善守護聽吾偈言法法本來法無法
無非法何於一法中有法有不法說偈已乃持僧伽梨衣入難足
山侯慈氏下生即周孝王五年丙辰歲也

五年當作四年自此至第十三祖迦葉摩羅
年數錯誤今皆依史記年表而改正

第二祖阿難王舍城人也姓刹利帝父斛飯王實佛之從弟也梵
語阿難陀此云慶喜亦云歡喜如來成道夜生因爲之名多聞
博達智慧無礙世尊以爲總持第一嘗所讚歎加以宿世有大
功德受持法藏如水傳器佛乃命爲侍者後阿闍世王自言仁者
如來迦葉尊勝二師皆已涅槃而我多故惡不能覩仁者般涅
槃時願垂告別阿難許之後自念言我身危脆猶如聚沫況
復衰老豈堪長久又念阿闍世王與吾有約乃詣王宮告之曰
吾欲入涅槃來辭耳門者曰王寢不可以聞阿難曰侯王覺時
當爲我說時阿闍世王夢中見寶蓋七寶嚴飾千萬億衆圍
繞瞻仰俄而風雨暴至吹折其柄珍寶瓔絡悉墜於地心甚驚

異既寤門者具白上事王聞語已失聲號慟哀感天地即至毗舍
離城見阿難在常河中流跣趺而坐王乃作禮而說偈言稽首
三界尊棄我而至此暫遇悲願力且莫般涅槃時毗舍離王亦
在河側復說偈言尊者一何速而歸寂滅場願住須臾間而
受於供養爾時阿難見二國王咸來勸請乃說偈言王善嚴
住勿爲苦悲戀涅槃當我淨舊本作靜此依寶錄傳正宗記易此一字而無諸有故阿難
復念我若偏向一國而般涅槃諸國爭競無有是處應以平等
度諸有情遂於常河中流將入寂滅是時山河大地六種震動
雪山中有五百仙人觀茲瑞應飛空而至禮阿難足胡跪白言我
長老當證佛法願垂大慈度脫我等阿難默然受請即變
現伽河悉爲金地爲其仙衆說諸大法阿難復念先所度脫
弟子應當來集須臾五百羅漢從空而下爲諸仙人出家受
具其仙衆中有二羅漢一名商那和修二名末田底迦阿難知是

○

法器乃告之曰昔如來以大法眼付大迦葉迦葉入定而付於我
我今將滅用傳於汝汝受吾教當聽偈言本來付有法付了
言無法各各須自悟悟了無無法阿難付法眼藏竟踊身
虛空作十八變入風奮迅三昧分身四分一分奉初利天一分奉
娑竭羅龍宮一分奉毗舍離王舊本作毗舍離龍王依寶錄傳正宗記除龍字一分奉阿闍世
王造寶塔而供養之乃厲王十二年癸巳歲也當作十年
第三祖商那和脩者正宗記云梵語商那如此云自然服以生時身自有衣也維摩經志梵
謂僧伽梨衣與雲品同也而傳燈曰自然服即西國九枝秀草名未詳
是摩突羅國人也亦名舍那婆斯姓毗舍多父林勝母憍奢那
在胎六年而生梵云商諾迦此云自然服即西域九枝秀草名也若羅
漢聖人降生則此草生於淨絜之地和脩生時瑞草斯應昔如
來行化至摩突羅國見青林枝葉茂盛語阿難曰此林地名
優留茶吾滅度後二百年有比丘商那和脩於此地轉妙法輪
後百歲果誕和脩出家證道受慶喜尊者法眼化導有情

及止此林降二火龍歸順佛教龍因施其地以建梵宮尊者
化緣既久思付正法尋於吒利國得優波瓊多以為給侍因
問瓊多曰汝年幾邪答曰我年十七師曰汝身十七性十七邪答
曰師髮已白為髮白邪心白邪師曰我但髮白非心白耳瓊多
曰我身十七非性十七也和脩知是法器後三載遂為落髮
受具乃告曰昔如來以無上法眼藏付囑迦葉展轉相授而
至於我我今付汝勿令斷絕汝受吾教聽吾偈言非法亦非
舊本作非法亦非法今依釋林
心傳正宗記改作非法亦非心也無心亦無法說是心法時是法非心法說偈
已即隱於罽賓國南象白山中後於三昧中見弟子瓊多有
五百徒眾常多懈慢尊者乃往彼現龍奮迅三昧以調伏之而
說偈曰通達非彼此至聖無長短汝除輕慢意疾得阿羅漢
五百比丘聞偈已依教奉行皆獲無漏尊者乃作十八變火光
三昧用焚其身瓊多收舍利葬於梵迦羅山五百比丘人持幡迎

導至彼建塔供養乃宣王二十二年乙未歲也

當作二十二年

第四祖優波瓊多者吒利國人也亦名優波崛多又名鄔波瓊多
姓首陀父善意十七出家二十證果隨方行化至摩突羅國得度
者甚眾由是魔宮震動波旬愁怖遂竭其魔力以害正法尊
者即入三昧觀其所由波旬復伺便密持嬰絡縻之于頸及尊
者出定乃取人狗蛇三屍化為華鬘而空言慰諭波旬曰汝與我
嬰絡甚是珍妙吾有華鬘以相酬奉波旬大喜引頸受之即
變為三種臭屍蟲蛆壞爛波旬厭惡大生憂惱盡已神力不
能移動乃升六欲天告諸天王又詣梵王求其解免彼各告言
力弟子所作神變我輩凡陋何能去之波旬曰然則奈何梵王
曰汝可歸心尊者即能除斷乃為說偈令其迴向曰若因地倒
還因地起離地未起終無其理波旬受教已即下天宮禮尊者
足哀露懺悔瓊多告曰汝自今去於如來正法更不作燒害否

波旬曰我拉逼向佛道求斷不善趣多曰若然者汝可口自唱
言歸依三寶魔王合掌三唱華鬘悉除乃歡喜踊躍作
禮尊者而說偈曰稽首三昧尊十力聖弟子我今願迴向勿
令有劣弱尊者在世化道證果最多每度一人以一等壽置於
石室其室縱十八肘廣十二肘充滿其間最後有一長者子名曰
香衆來禮尊者志求出家尊者問曰汝身出家心出家答曰
我來出家非爲身心尊者曰不爲身心復誰出家答曰夫出家
者無我我故無我我故即心不生滅心不生滅即是常道諸
佛亦常心無形相其體亦然尊者曰汝當大悟心自通達宜依
佛法僧紹隆聖種卽爲剃度受具足戒仍告之曰汝父嘗夢金
日而生汝可名提多迦復謂曰如來以大法眼藏次第傳授以
至於我今復付汝聽吾偈言心自本來心本心非有法有法有
本心悲心非本法付法已乃踊身虛空至十八變然後本坐跏

趺而逝多迦以室內籌用焚其軀收舍利建塔供養卽平王
三十一年庚子歲也

當作三
十年

第五祖提多迦者摩伽陀國人也初生之時父夢金日自屋而出
照耀天地前有高山諸寶嚴飾山頂泉涌滂沱四流後遇瓊
多尊者爲解之曰寶山者吾身也泉涌者法無盡也日從屋出
者汝今入道之相也照耀天地者汝智慧超越也尊者本名香衆
師因易今名焉梵云提多迦此云通真量也多迦聞師說已歡
喜踊躍而唱偈言巍巍七寶山常出智慧泉迴爲真法味能
度諸有緣瓊多尊者亦說偈曰我法傳於汝當現大智慧金
日從屋出照耀於天地提多迦聞師妙偈設禮奉持後至中印
度彼國有八十大僊彌遮迦爲首聞尊者至率衆瞻禮謂尊者
曰昔與師同生梵天我遇阿私陀仙人授我仙法師逢十力弟子
修習禪那自此報分殊涂苦已經六劫尊者曰支離累劫誠哉不

虛今可捨邪歸正以入佛乘彌遮迦曰昔阿私陀仙人授我記云
汝却後六劫當遇同學獲無漏果今也相遇非宿緣邪願師慈
悲令我解脫尊者即度出家命聖授戒餘仙衆始生我慢尊者
示大神通於是俱發菩提心時出家乃告彌遮迦曰昔如來以
大法眼藏密付迦葉展轉相授而至於我我今付汝當護念
之乃說偈曰通達本法心無法無非法悟了同未悟無心亦無
法說偈已踊身虛空作十八變火光三昧自焚其軀彌遮迦與八
千比丘同收舍利於班荼山中起塔供養即莊王七年己丑歲也

當作
一五年

第六祖彌遮迦者中印度人也既傳法已遊化至北天竺國見雉堞
之上有金色祥雲歎曰斯道人氣也必有大力爲吾法嗣乃入城於闐
闐間有一手持酒器逆而問曰師何方而來欲往何所師曰從
自心來欲往無處曰識我手中物否師曰此是觸器而負淨者曰

師還識我否師曰我即不識識即非我又謂曰汝試自稱名氏
吾當後示本因彼人說偈而答我從無量劫至于生此國本姓
頻羅隨名字婆須蜜師曰我師提多迦說世尊昔遊北印度
語阿難言此國中吾滅後二百年有一聖人姓頻羅隨名婆
須蜜而於禪相當獲第七世尊記汝汝應出家彼乃置器
禮師側立而言曰我思往劫嘗作檀那獻如來寶坐彼佛記
我云汝於賢劫釋迦法中宣傳至教今符師說願加度脫師
即與披剃復圓戒相乃告之曰正法眼藏今付於汝勿令斷絕乃
說偈曰無心無可得說得不多法若了心非心始解心法師說
偈已入師子奮迅三昧踊身虛空高七多羅樹却復本坐化
火自焚婆須蜜收靈骨貯七寶函建浮圖真于上級即襄王
十七年甲申歲也

當作十
五年

第七祖婆須蜜者北天竺國人也姓頻羅隨常服淨衣執酒器

將行里間或吟或嘯人謂之狂及遇彌遮迦尊者宣如來往誌
自怪前緣投器出家授法行化至迦摩羅國廣興佛事於法
坐前忽有一智者自稱我名佛陀難提今與師論義師曰仁者
論即不義義即不論若擬論義終非義論難提知師義勝
心即欽伏曰我願求道需甘露味尊者遂與剃度而授具戒
復告之曰如來正法眼藏我今付汝汝當護持乃說偈曰同虛
空界示等虛空法證得虛空時無是無非法尊者即入慈
心三昧時梵王帝釋及諸天衆俱來作禮而說偈言賢劫衆
聖祖而當第七位尊者哀念我請為宣佛地尊者從三昧起
示衆云我所得法而非有故若識佛地離有無故說此語已還
入三昧示涅槃相難提即於本坐起七寶塔以葬全身即定王
十九年辛未歲也

當作十
七年

第八相佛陀難提者迦摩羅國人也姓瞿曇氏頂有肉髻辯

捷無礙初遇迦摩羅尊者出家受教既而領徒行化至提伽
國城毗舍羅家見舍上有白光上騰謂其徒曰此家當有聖人
口無言說真大乘器不行四衢知觸穢耳言訖長者出致禮問
何所須尊者曰我求侍者曰我有一子名伏默蜜多年已五十未
曾言足未曾履尊者曰如汝所說真吾弟子尊者見之遽起
禮拜而說偈曰父母非我親誰是最親者諸佛非我道誰為
最道者尊者以偈答曰汝言與心親父母非可比汝行與道合諸
佛心即是外求有相佛與汝不相似欲識汝本心非合亦非離
伏默蜜多聞師妙偈便行七步師曰此子昔曾值佛悲願廣大
慮父母愛情難捨故不言不履耳時長者遂捨令出家尊者尋
授具戒復告之曰我今以如來正法眼藏付囑於汝勿令斷絕乃
說偈曰虛空無內外心法亦如此若了虛空故是達真如理伏默
蜜多承師付囑以偈讚曰我師禪祖中當得為第八法化衆

無量悉獲阿羅漢爾時尊者佛陀難提即現神變却復本坐儼然寂滅眾興寶塔葬其全身即景三十二年丙寅歲也

當年

第九祖伏獸蜜多者提伽國人姓毗舍羅既受佛陀難提付囑後至中印度行化時有長者耆耄攜一子而來瞻禮尊者曰此子夷胎六十歲因號難生復嘗會一仙者謂此兒非凡當為法器今遇尊者可令出家尊者即與落髮授戒羯磨之際祥光燭坐仍感舍利三千粒現前自此精進忘疲既而師告之曰如來大法眼藏今付於汝汝護念之乃說偈曰真理本無名因名顯真理受得真實法非真亦非偽尊者付法已即入滅盡三昧而般涅槃眾以香油旃檀闍維真體收舍利建塔于那爛陀寺即敬王三十五年甲寅歲也

當年

第十祖脇尊者中印度人也本名難生初尊者將誕父夢一白

象背有寶坐坐上安明珠從門而入光照四眾既覺遂生後值伏獸尊者執侍左右未嘗睡眠謂其脇不至席遂號脇尊者焉初至華氏國憇一樹下右手拍地而告眾曰此地變金色當有聖人入會言訖即變金色時有長者子富那夜奢合掌前立尊者問汝從何來夜奢曰我心非狂尊者曰汝何處住曰我心非止尊者曰汝不定邪曰諸佛亦然尊者曰汝非諸佛曰諸佛亦非尊者因說偈曰此地變金色預知於聖至當坐菩提樹覺華而成已夜奢復說偈曰師坐金色地常說真實義迴光而照我今入三摩諦尊者知其意即度出家復具戒品乃告之曰如來大法眼藏今付於汝汝護念之乃說偈言真體自然真因真說有理領得真實法無行亦無止尊者付法已即現神變而入涅槃化火自焚四眾各以衣被盛舍利隨處興塔而供養之即貞王三十二年已亥歲也

當年

○第十一祖富那夜奢者華氏國人也姓瞿曇氏父寶身既得法於
脇尊者尋詣波羅奈國有馬鳴太子迎而作禮因問曰我欲識佛
何者即是師曰汝欲識佛不識者是曰佛既不識焉知是乎師曰既
不識佛焉知不是曰此是錮義師曰彼是木義復問錮義者何曰
與師平出又問木義者何師曰汝被我解馬鳴豁然惺悟稽首
歸依遂求剃度師謂衆曰此太子者吾為毗舍離國王其國有一
類人如馬裸露王運神力分身為蠶蠶乃得衣王後復生中印
度馬人感戀悲鳴因號馬鳴焉如來記云吾滅度後六百年當有
賢者馬鳴於波羅奈國摧伏異道度人無量繼吾傳化今正是
時即告之曰如來大法眼藏今付於汝即說偈曰迷悟如隱顯明
暗不相離今付隱顯法非一亦非二尊者付法已即現神變湛然
圓寂衆興寶塔以闕全身即安王十四年戊戌歲也一尊在十
○第十二祖馬鳴太子者波羅奈國人也亦名功勝以有作無作諸

功德最為殊勝故名焉既受法於夜奢尊者後於華氏國轉妙
法輪忽有老人坐前仆地師謂衆曰此非庸流當有異相三訖
不見俄從地踊出金色人復化為女子右手指師而說偈曰稽首
長老尊當受如來記今於此地上宣通第一義說偈已瞥然不見
師曰將有魔來與吾校力有頃風雨暴至天地晦冥師曰魔之
來信矣吾當除之即指空中現大金龍奮發威神震動山岳師
儼然於坐魔事隨滅經七日有一小蟲大若蟬蛭潛形坐下師以手
取之示衆曰斯乃魔之所變盜聽吾法耳乃放之令去魔不能動
師告之曰汝但歸依三寶即得神通遂復本形作禮懺悔師問曰
汝名誰邪眷屬多少曰我名毗摩羅有三千眷屬師曰汝盡神
力變化若何曰我化巨海極為小事師曰汝化性海得否曰何謂
性海我未嘗知師即為說性海云山河大地皆依建立三昧六通
舊云神通由茲發現迦毗摩羅聞言遂發信心與徒衆三千俱

求剃度師乃召五百羅漢與授具戒復告之曰如來大法眼藏今當付汝汝聽偈言隱顯即本法明暗不二今付悟了法非取亦非離付法已即入龍奮迅三昧挺身空中如日輪相然後示滅四眾以真體藏之龍龕即顯王三十七年甲午歲也當四十二年
第十三祖如毗摩羅者華氏國人也初為外道有徒三千通諸異論後於馬鳴尊者得法領徒至西印度彼有大子名雲自在仰尊者名請於宮中供養尊者曰如來有教沙門不得親近國王大臣權勢之家大子曰今我國城之北有大山焉山中有石窟師可憐寂于此否尊者曰諾即入彼山行數里逢一大蟒尊者直進不顧遂盤繞師身師因與受三歸依蟒聽訖而去尊者將至石窟復有一老人素服而出合掌問訊尊者曰汝何所共言曰我昔曾為此止多樂寂靜有初學比丘數來請益而我煩於應答起真悔想命終墮為蟒身住是窟中今已千載適遇尊者獲聞戒法故來謝

耳尊者問曰此山更有何人居止曰北去十里有大樹陰覆五百大龍其樹王名龍樹常為龍眾說法我久聽受耳尊者遂與徒眾詣彼龍樹出迎尊者曰深山孤寂龍蟒所居大德至尊何枉神足師曰吾非至尊來訪賢者龍樹默念曰此師得決定性明道眼否是大聖繼真乘者師曰汝雖心語吾已意知但辨出家何慮吾之不聖龍樹聞已悔謝尊者即與度脫及五百龍眾俱受具戒復告龍樹曰今以如來大法眼藏付囑於汝諦聽偈言非隱非顯法說是真實際悟此隱顯法非愚之非智付法已即現神變化火焚身龍樹收五色舍利建塔瘞之即報王四十四年壬辰歲也當作四十六年

第十四祖龍樹尊者西天竺國人也名龍勝始於毗摩羅尊者得法後至南印度波國之人多信福業聞尊者為說妙法逆相謂曰人有福業世間第一徒言佛性誰能觀之尊者曰汝欲見

佛性先須除我慢彼人曰佛性大小尊者曰非大非小非廣非狹無福無報不死不生彼聞理勝悉迴初心尊者復於座上現自在身如滿月輪一切衆唯聞法音不覩師相彼衆中有長者子名迦那提婆謂衆曰識此相否衆曰目所未覩安能辨識提婆曰此是尊者現佛性體相以示我等何以知之蓋以無相三昧形如滿月佛性之義廓然虛明言訖輪相即隱復居本座而說偈言身現圓月相以表諸佛體說法無其形用辨非聲色彼衆聞偈頓悟無生成願出家以求解脫尊者即為剃髮命諸聖授具其國先有外道五千餘人作大幻術衆皆宗仰尊者悉為化之令歸三寶復造大智度論中論十二門論垂之於世後告上首弟子迦那提婆曰如來大法眼藏今當付汝聽吾偈言為明隱顯法方說解脫理於法心不證無瞋亦無喜付法訖八月輪三昧廣現神變復就本座凝然禪寂

迦那提婆與諸四衆共建寶塔以葬焉即秦始皇三十五年己丑歲也

景德傳燈錄卷第一

延祐丙辰重刊天道場山禪幽之菴

延文戊戌重開善忠一卷刊行

景德傳燈錄卷第二

天竺三十五祖內二十三祖見錄內二十二祖旁並無錄

第十五祖迦那提婆 第十六祖羅睺羅多

第十七祖僧伽難提 第十八祖伽邪舍多

第十九祖鳩摩羅多 第二十祖闍夜多

第二十一祖婆修盤頭 第二十二祖摩拏羅

第二十三祖鶴勒那 第二十四祖師子尊者

達磨達師子尊者旁出 因陀羅達磨達旁出二祖

瞿羅忌利婆 達磨尸利帝因陀羅旁出四祖

那伽難提 破樓末多羅

波羅婆提 波羅跋摩瞿羅忌利婆旁出二祖

僧伽羅叉 摩帝隸披羅達磨尸利帝旁出二祖

訶利跋茂 和修盤頭破樓末多羅旁出三祖

達摩訶帝

旃陀羅多

勒那多羅

婆羅跋摩
旁出三祖

盤頭多羅

婆羅婆多

毗舍也多羅

僧伽羅又
旁出五祖

毗樓羅多摩

毗栗勿多羅

優波嚩駄

婆難提多

已上二十二祖
無語句不錄

第二十五祖婆舍斯多

第二十六祖不如密多

第二十七祖般若多羅

第十五祖迦那提婆者南天竺國人也姓毗舍羅初求福業兼樂辯論後謁龍樹大士將及門龍樹知是智人先遣侍者以蒲鉢水置於坐前尊者覩之即以針投之而進欣然契會龍樹即為說法不起於坐見月輪相唯聞其聲不見其形尊者語眾曰今此瑞者師現佛性表說法非聲色也尊者既得法後至毗羅國彼有長者曰梵摩淨德一日園樹生大耳如菌味甚

美唯長者與第二子羅睺羅多取而食之取已隨長盡而復生自餘親屬皆不能見時尊者知其宿因遂至其家長者問其故尊者曰汝家昔曾供養一比丘然此比丘道服未明以虛信施故報為木菌唯汝與子與參云精誠供養得以享之餘即否矣又問長者年多少答曰七十有九尊者乃說偈曰入道不通理覆身還信施汝年八十此樹不生耳長者聞偈彌加歎伏且曰弟子衰老不能事師願捨空子隨師出家尊者曰昔如來記此子當第二五百年為大教主今之相遇蓋符宿因即與剃髮執侍至巴連弗城聞諸外道欲障佛法計之既久尊者乃執長幡入彼眾中彼問尊者曰汝何不前尊者曰汝何不後又曰汝似賤人尊者曰汝似良人又曰汝解何法尊者曰汝百不解又曰我欲得佛尊者曰我酌然得佛又曰汝不合得尊者曰元道我得汝實不得又曰汝既不得云何言得尊者曰汝有我故所以

不得我無我我故自當得彼辭既屈乃問師曰汝名何等尊者曰我名迦那提婆彼既聞師名乃悔過致謝時衆中猶互興問難尊者折以無礙之辯由是歸伏乃告上足羅睺羅多而付法眼偈曰本塋傳法人爲說解脫理於法實無證無終亦無始尊者說偈已入奮迅定身放八光而歸寂滅學衆興塔而供養之即前漢文帝十九年庚辰歲也

第十六祖羅睺羅多者迦毗羅國人也行化至室羅筏城有河名曰金水其味殊美中流復現五佛影尊者告衆曰此河之源凡五百里有聖者僧伽難提居於彼處佛誌一千年後當紹聖位語已領諸學衆泝流而上至彼見僧伽難提安坐入定尊者與衆伺之經三七日方從定起尊者問曰汝身定邪心定邪曰身心俱定尊者曰身心俱定何有出入曰雖有出入不失定相如金在井金體常寂尊者曰若金在井

若金出井金無動靜何物出入曰言金動靜何物出入許金出入金非動靜尊者曰若金在井出者何金若金出井在者何物曰金若出井在者非金金若在井出者非物尊者曰此義不然曰彼理非著尊者曰此義當憤曰彼義不成尊者曰彼義不成我義成矣曰我義雖成法非我故尊者曰我義已成我無我故曰我無我故復成何義尊者曰我無我故故成汝義曰仁者師於何聖得是無我尊者曰我師迦那提婆證是無我曰稽首提婆師而出於仁者仁者無我故我欲師仁者尊者曰我已無我故汝須見我我汝若師我故知我非我我難提心意豁然即求度脫尊者曰汝心自在非我所繫語已即以右手擎鉢舉至梵宮取彼香飯將齋大衆而大衆忽生厭惡之心尊者曰非我之咎汝等自業即命僧伽難提分坐同食衆復訝之尊者曰汝不得食皆由此故當知與吾分坐者即過去娑羅樹王如來也愍物降迹汝輩

亦莊嚴劫中已至三果而未證無漏者也衆曰我師神力斯可信矣彼云過去佛者即竊疑焉僧伽難提知衆生慢乃曰世尊在日世界平正無有丘陵江河溝洫水悉甘美草木滋茂國土豐盈無八苦行十善自雙樹示滅八百餘年世界丘陵樹木枯悴人無至信正念輕微不信真如唯愛神力言訖以右手漸展入地至金剛輪際取甘露水以琉璃器持至會所大衆見之即時欽慕悔過作禮於是尊者命僧伽難提而付法眼偈曰於法實無證不取亦不離法非有無相内外云何起尊者付法已安坐歸寂四衆建塔此當前漢武帝二十八年戊辰歲也

第十七祖僧伽難提者室羅閱城寶莊嚴王之子也生而能言常讚佛事七歲即厭世樂以偈告其父母曰稽首大慈父和南骨血母我今欲出家幸願哀愍故父母固止之遂終日不食乃許其在家出家號僧伽難提復命沙門禪利多爲之師積十九載

未嘗退倦尊者每自念言身居王宮胡爲出家夕天光下屬見一路坦平不覺徐行約十里許至大巖前有石窟焉乃燕寂于中父既失子即擯禪利多出國訪尋其子不知所在經十年尊者得法受記已行化至摩提國忽有涼風襲衆身心悅適非常而不知其然尊者曰此道德之風也當有聖者出世嗣續祖燈予言訖以神力攝諸大衆遊歷山谷食頃至一峯下謂衆曰此峯頂有紫雲如蓋聖人居此矣即與大衆徘徊久之見山舍一童子持圓鑑直造尊者前尊者問汝幾歲邪曰百歲尊者曰汝年尚幼何言百歲曰我不會理正百歲耳尊者曰汝善機邪曰佛言若人生百歲不會諸佛機未若生一日而得決了之師曰汝手中者當何所表童子曰諸佛大圓鑑内外無瑕翳兩人同得見心眼皆相似彼父母聞子語即捨令出家尊者攜至本處受具戒訖名伽耶舍多他時聞風吹殿銅鈴聲尊者問

師曰鈴鳴邪風鳴邪師曰非風非鈴我心鳴耳尊者曰心復誰
平師曰俱寂靜故尊者曰善哉善哉繼吾道者非子而誰即
付法偈曰心地本無生因地從緣起緣種不相妨華果亦復爾
尊者付法已右手攀樹而化大眾議曰尊者樹下歸寂其垂
蔭後裔乎將奉全身於高原建塔衆力不能舉即就樹
下起塔當前漢昭帝十三年丁未歲也

第十八祖伽那舍多者摩提國人也姓鬱頭藍父天蓋母方聖嘗
夢大神持鑑因而有娠凡七日而誕肌體瑩如琉璃未嘗洗浴自
然香潔幼好閑靜語非常童持鑑出遊遇難提尊者得度願
徙至大月氏國見一婆羅門舍有異氣尊者將入彼舍舍主鳩
摩羅多問曰是何徒衆曰是佛弟子彼聞佛號心神竦然即
時閉戶尊者良久自扣其門羅多曰此舍無人尊者曰若無者誰
羅多聞語知是異人遽開關延接尊者曰昔世尊記曰吾滅後一

千年有大士出現於月氏國紹隆玄化公汝值吾應斯嘉運於是
鳩摩羅多發宿命智投誠出家受具訖付法偈曰有種有心
地因緣能發萌於緣不相礙當生生不生尊者付法已踊身虛
空現十人種神變化火光三昧自焚其身衆以舍利起塔當前
漢成帝二十年戊申歲也

第十九祖鳩摩羅多者大月氏國婆羅門之子也昔為自在天
人欲界第見菩薩瓔珞忽起愛心慙生忉利欲界第聞橋尸迦說
般若波羅蜜多以法勝故升于梵天馳以根利故善說法要諸
天尊為導師以繼祖時至遂降月氏後至中天竺國有大士
名闍夜多問曰我家父母素信三寶而嘗縻疾瘵凡所營作
皆不如意而我鄰家久為旃陀羅行而身常勇健所作和合
彼何幸而我何辜尊者曰何足疑乎且善惡之報有三時焉凡
人但見仁天暴壽逆吉義凶便謂三因果虛罪福殊不知影

響相隨毫釐塵非忒縱經百千萬劫亦不磨滅時聞夜多聞是語已頓釋所疑尊者曰汝雖已信三業而未明業從惑生惑因識有識依不覺不覺依心本清淨無生滅無造作無報應無勝負寂寂然靈靈然汝若入此法門可與諸佛同矣一切善惡有為無為皆如夢幻聞夜多承言領旨即發宿慧懇求出家既受具尊者告曰吾今寂滅時至汝當紹行化迹乃付法眼偈曰性上本無生為對求之說於法既無得何懷決不決師曰此是妙音如來見性清淨之句汝宜傳布後學言訖即於坐上以指爪撥面如紅蓮開出大光明照羅四眾而入寂滅聞夜多起塔當新室十四年壬午歲也

第二十祖闍夜多者北天竺國人也智慧淵沖化導無量後至羅闍城敷揚頓教彼有學眾唯尚辯論為之首者名婆修盤頭繫常一食不卧六時禮佛清淨無欲為眾所歸尊者將

欲度之先問彼眾曰此徧行頭陀能修梵行可得佛道乎眾曰我師精進何故不可尊者曰汝師與道遠矣設苦行歷於塵劫皆虛妄之本也眾曰尊者蘊何德行而譏我師尊者曰我不求道亦不顛倒我不禮佛亦不輕慢我不長坐亦不懈怠我不食亦不雜食我不知足亦不貪欲心無所希名之曰道時徧行聞已發無漏智歡喜讚歎尊者又語彼眾曰曾吾語否吾所以然者為其求道心切夫弦急即斷故吾不贊令其住安樂地諸佛智復告徧行曰吾適對眾抑挫仁者得無惱於衷乎曰我憶念七劫前生常安樂國師於智者月淨記我非多當證斯陀含果時有木光明菩薩出世我以老故策杖禮謁師叱我曰重子輕父何鄙哉時我自謂無過請師示之師曰汝禮大光明菩薩以杖倚壁畫佛面以此過慢遂失三果我責躬悔過以來聞諸聖言如風如響況今獲飲無上甘露而反生熱惱邪惟願大慈以妙道垂

誨尊者曰汝久植衆德當繼吾宗聽吾偈曰言下合無生同於法界性若能如是解通達事理竟尊者付法已不起於坐奄然歸寂闍維收舍利建塔當後漢明帝十七年甲戌歲也

第二十一祖婆修盤頭者羅閱城人也姓毗舍佉父光蓋母嚴一家富而無子父母禱于佛塔而求嗣焉及母夢吞明珠覺而有孕經七日有一羅漢名賢衆至其家光蓋設禮賢衆端坐受之嚴一出拜賢衆避席云迴禮法身大士光蓋固側其由遂取一寶珠跪獻賢衆試其真偽賢衆即受之殊無遜謝光蓋不能忍問曰我是丈夫致禮不顧我妻何德尊者避之賢衆曰我受禮納珠貴福汝其汝婦懷聖子生當爲世燈慧曰故吾避之非重女人也賢衆又曰汝婦當生二子一名婆修盤頭則吾所尊者也二名芻尼此雲昔如來在雪山修道芻尼巢於頂上佛既成道芻尼受報爲那提國王佛記云汝至第二

五百年生羅閱城毗舍佉家與聖同胞今無爽矣後一月果產二子尊者婆修盤頭年至十五禮光度羅漢出家感毗婆訶菩薩與之授戒行化至那提國彼王名常自在有二子一名摩訶羅次名摩拏羅王問尊者曰羅閱城土風與此同舊本尊者曰佛曰彼土曾三佛出世今王國有二師化導曰二師者誰尊者曰佛記第二五百年有一神力大士出家繼聖即王之次子摩拏羅是其一也吾雖德薄敢當其一王曰誠如尊者所言當捨此子作沙門尊者曰善哉大王能遵佛旨即與受具付法偈曰洎幻同無礙如何不了悟達法在其中非今亦非古尊者付法已踊身高半由旬屹然而住四衆仰瞻虔請復坐跏趺而逝茶毗得舍利建塔當後漢明帝十二年丁巳歲也當作安帝十年蓋明帝在位止十年耳第二十二祖摩拏羅者那提國常自在王之子也年三十遇婆修祖師出家傳法至西印度彼國王名得度即瞿曇種族歸依

佛乘勤行精進一日於行道處現一小塔欲取供養眾莫能舉
 王即大會梵行禪觀呪術等三眾欲問所疑時尊者亦赴此
 會是三眾皆莫能辯尊者即為王廣說塔之所因此不繁錄今
 之出現王福力之所致也王聞是說乃曰至聖難逢世樂非久即
 傳位太子投祖出家七日而證四果尊者深加慰誨曰汝居此
 國善自度久今異域有大法器當化令得度曰師應迹十方
 勳念當至寧勞往邪尊者曰然於是焚香遙語月氏國鶴勒
 那比丘曰汝在彼國教導鶴眾道果將證宜自知之時鶴勒
 那為彼國王寶印說修多羅偈忽觀異香成穗王曰是何祥
 也曰此是西印度傳佛心印祖師摩拏羅將至先降信香耳
 曰此師神力何如荅曰此師遠承佛記當於此土廣宣玄化時王
 與鶴勒那俱遙作禮尊者知已即辭得度比丘往月氏國受王
 與鶴勒那供養後鶴勒那問尊者曰我止林間經九白印度必有

弟子龍子者幼而聰慧我於二世推窮莫知其本尊者曰此子於
 第五劫中生妙喜國婆羅門家曾以旃檀施於佛宇作檀
 撞鍾受報聰敏為眾欽仰又問我何緣而感鶴眾尊者曰汝
 第四劫中嘗為比丘當赴會龍宮汝諸弟子咸欲隨從汝觀五
 百眾中無有一人堪任妙供時諸子曰師常說法於食等者於
 法亦等今既不然何聖之有汝即令赴會自汝捨生趣生轉化
 諸國其五百弟子以福微德薄生於羽族今感汝之惠故為鶴
 眾相隨鶴勒那聞語曰以何方便令彼解脫尊者曰我有無上
 法寶汝當聽受化未來際而說偈曰心隨萬境轉轉處實能
 幽隨流認得性無喜復無憂時鶴眾聞偈飛鳴而去尊者跏
 趺寂然奄化鶴勒那與寶印王起塔當後漢桓帝十九年乙巳
 歲也

第二十三祖鶴勒那者勒那梵語鶴即華言以禽者月氏國人也姓婆羅門父

七仙金幢
室林傳者
一金幢所有
人衆心有未
遂者皆得
遂幢上有
字以銀作
之各爲七
貞幢云

千勝母金光以無子故禱于七佛金幢即夢須彌山頂一神童持
金環云我來也覺而有孕年七歲遊行聚落觀民間淫祀乃入
廟吐之曰汝妄興禍福幻惑於人歲費牲牢傷害斯甚言訖廟
貌忽然而壞由是鄉黨謂之聖子年二十二出家三十遇摩拏
羅尊者付法服藏行化至中印度彼國王名無畏海崇信佛
道尊者爲說正法次王忽見二人緋素服拜尊者王問曰此何人
也師曰此是日月天子吾昔曾爲說法故來禮耳良久不見唯
聞異香王曰日月國土摠有多少尊者曰十釋迦佛所化世界各
有百億迷盧日月我若廣說即不能盡王聞忻然時尊者演無
上道度有緣衆以上足龍子早天有兄師子博通彊記事婆
羅門厥師既逝弟復云亡乃歸依于尊者而問曰我欲求道
當何用心尊者曰汝欲求道無所用心曰旣無用心誰作佛事
尊者曰汝若有用即非功德汝若無作即是佛事經云我所

作功德而無我所故師子聞是言已即入佛慧時尊者忽指東
北問云是何氣象師子曰我見氣如白虹貫乎天地復有黑氣
五道橫亘其中尊者曰其北云何曰莫可知矣尊者曰吾滅後五
十年北天竺國當有難起嬰在汝身吾將滅矣今以法眼付
囑於汝善自護持乃說偈曰認得心性時可說不思議了了無
可得得時不說知師子北止聞偈欣愜然未曉將罹何難尊
者乃密示之言訖現十八變而歸寂闍維畢分舍利各欲興塔
尊者復現空中而說偈曰法一切法一切攝攝吾身非有無何分
切塔大衆聞偈遂不復分就馱都之場而建塔焉即後漢獻
帝二十一年己丑歲也

第二十四祖師子北止者中印度人也姓婆羅門得法遊方至蜀
賓國有波利迦者本習禪觀故有禪定知見執相捨相不語之
五衆尊者詰而化之四衆皆默然心服唯禪定師達磨達者聞

馱都此云賢
寶又法住
記曰遺身
注者義目上
唐賀切如未
休骨帛舍利
別名

四眾被責憤排而來尊者曰仁者習定何當來此既至于此胡
云習定曰我雖來此心亦不亂定隨人習豈在處所尊者曰仁
者既來其習亦至既無處所豈在久習曰定習久故非習定
我雖來此其定常習尊者曰又非習定定習久故當自來時其
定誰習彼曰如淨明珠內外無翳定若通達必當如此師曰
定若通達一似明珠今見仁者非珠之徒彼曰其珠明徹內外悉
定我心不亂猶若此淨師曰其珠無內外仁者何能定穢物非
動搖此定不是淨達磨達蒙尊者開悟心地朗然尊者既
攝五眾名聞遐邇方求法嗣遇一長者引其子問尊者曰此子
名斯多當生便奉左手今既長矣而終未能舒願尊者示其宿
因尊者觀之即以手接曰可還我珠童子遽開手奉珠衆皆
驚異尊者曰吾前報爲僧有童子名婆舍金嘗遊西海齋受
觀珠付之今還吾珠理固然矣長者遂捨其子出家尊者即

與受具以前緣故名婆舍金斯多尊者即謂之曰吾師密有懸記
羅難非久如來正法眼藏今轉付汝汝應保護普聞來際偈
曰止說知見時知見俱是心當心即知見知見即于今尊者說
偈已以僧伽梨衣密付斯多拜之他國隨機演化斯多受
教直抵南天尊者以難不可苟免獨留罽賓時本國有外道
二人一名摩目多一名都落遮學諸幻法欲共謀亂乃盜爲釋
子形象潛入王宮且曰小成即罪歸佛子妖既自作禍亦旋踵
事既敗王果怒曰吾素歸心三寶何乃構害至于斯耶命破
毀伽藍祛除釋衆又自秉劍至尊尊者所問曰師得蘊空否尊
者曰已得蘊空曰離生死不異尊者曰已離生死曰既離生死可施
我頭尊者曰身非我有何憐於頭王即揮刀斷尊者首浦白
乳高數尺王之右臂旋亦墮地七日而終太子光首歎曰我父何
故自取其禍時有象白山僊人者深明因果即爲光首廣宣

宿因解其疑網事具聖賢集遂以師子尊者報體而建塔焉當魏齊王二十年已卯歲也
當齊高貴鄉公六年蓋齊王芳立十五年而廢矣正統元年師子尊者付塔今斯多心法信衣為正嗣外後出達摩達四世二十二師

第二十五祖婆舍斯多者罽賓國人也姓婆羅門父寂行母常安樂初母夢得神劍因而有孕既誕奉左手遇師子尊者顯發宿因密受心印後適南天至中印度彼國王名達勝設禮供養持有外道號無我尊先為王禮重嫉祖之至欲與論義幸而勝之以固其事乃於王前謂祖曰我解默論不假言說祖曰孰知勝負曰不爭勝負但取其義祖曰汝以何為義曰无心為義祖曰汝既無心安得義乎曰我說无心當名非義祖曰汝說無心當名非義我說非心當義非名曰當義非名誰能辨義祖曰汝名非義此名何名曰為辨非義是名無名祖曰名既

非名義亦非義辨者是誰當辨何物如是往返五十九翻外道杜口信伏于時祖忽然面叱合掌長吁曰我師師子尊者今日遇難斯可傷焉即辭王南邁達于南天潛隱山谷時彼國王名天德迎請供養王有二子一以暴而色力充盛和柔而長嬰疾苦祖乃為陳因果王即頓釋所疑又有呪術師忌祖之道乃潛置毒藥于飲食中祖知而食之彼返受禍遂投祖出家祖即與受具後六十載太子德勝即位復信外道致難于祖太子不如密多進諫被囚王遽問祖曰予國素絕妖訛師所傳者當是何宗祖曰王國昔來實無邪法我所得者即是佛宗王曰佛滅已千二百載師從誰得邪祖曰飲光大士親受佛印展轉至二十四世師子尊者我從彼得王曰予聞師子比丘不能免於刑戮何能傳法後人祖曰我師難未起時密授我信衣法偈以顯師承王曰其衣何在祖即於囊中出衣示王王命焚之五色相鮮薪盡

如故王即追悔致禮師子真嗣既明乃赦太子太子遂求出家
祖問太子曰汝欲出家當爲何事曰我若出家不爲其事祖曰
不爲何事曰不爲俗事祖曰當爲何事曰當爲佛事祖曰太子
智慧天全必諸聖降迹即許出家六年侍奉後於王宮受具
羯磨之際大地震動頗多靈異祖乃命之曰吾已衰朽安可久留
汝當善護正法眼藏普濟羣生聽吾偈曰聖人說知見當境
無是非我今悟真性無道亦無理不如蜜多聞偈再啟祖曰法
衣宜可傳授祖曰此衣爲難故假以證明汝身無難何假其衣
化被十方人自信向不如蜜多聞語作禮而退祖現于神變化
三昧火自焚平地舍利可高一尺德勝王創浮圖而祀之晉
明帝太寧三年乙酉歲也

第二十六祖不如蜜多者南印度德勝王之太子也既受度得
法至東印度彼王名堅固奉外道師長八梵志暨尊者將至王


與梵志同觀白氣貫于上下王曰斯何瑞也梵志預知尊者入境
恐王遷善乃曰此是魔來之兆耳何瑞之有即鳩諸徒衆議曰不
如蜜多將入都城誰能挫之弟子曰我等各有呪術可以動天
地水火何患哉尊者至先見宮牆有黑氣乃曰小難耳直詣
王所王曰師來何爲尊者曰將度衆生曰以何法度尊者曰
各以其類度之時梵志聞言不勝其怒即以幻法化大山於尊
者頂上尊者指之忽在彼衆頭上梵志等怖懼投尊者尊者怒
其愚惑無拍之化山隨滅乃爲王演說法要俾趣真乘又謂王曰
此國當有聖人而繼於我是時有婆羅門子年二十許幼失父
母不知名氏或自言纓絡故人謂之纓絡童子遊行問里丐求
度日若常不輕之類人問汝何行急即答云汝何行慢或問何
姓乃云與汝同姓莫知其故後王與尊者同車而出見纓絡童
子稽首於前尊者曰汝憶往事否曰我念遠劫中與師同居

師演摩訶般若我轉其深修多羅今日之事蓋契昔因尊者
又謂王曰此童子非他即大勢至菩薩是也此聖之後復出二人
北南印度人緣在震旦四五年內却返此方遂以昔因故名般若
多羅付法眼藏偈曰真性心地藏無罣亦無塵應緣而化物方
便呼爲智尊者付法已即辭王曰吾化緣已終當歸寂滅願
王於最上乘無忘外護即還本坐跏趺而逝此化火自焚王收
舍利塔而瘞之當東晉孝武帝太元十三年戊子歲也
第二十七祖般若多羅者東印度人也既得法已行化至南印度
彼王名查王崇奉佛乘尊重供養度越倫等又施無價寶
珠時王有三子其季開士也尊者欲試其所得乃以所施珠問
三王子曰此珠圓明有能及此否第一子月淨多羅第二子功德多
羅皆曰此珠七寶中尊固無踰也非尊者道力孰能受之第三
子菩提多羅曰此是世寶未足爲上於諸寶中法寶爲上此是

世光未足爲上於諸光中智光爲上此是世明未足爲上於諸明
中心明爲上此珠光明不能自照要假智光光辨於此既辨
此已即知是珠既知是珠即明其寶若明其寶寶不自寶若
辨其珠珠不自珠珠不自珠者要假智珠而辨世珠寶不自
寶者要假智寶以明法寶然則師有其道其寶即現衆生
有道心寶亦然尊者歎其辯慧乃復問曰於諸物中何物無相
曰於諸物中不起無相又問於諸物中何物最高曰於諸物中
人我最高又問於諸物中何物最大曰於諸物中法性最大尊
者知是法嗣以時尚昧至且默而混之及香至王厭世衆皆號
絕唯第三子菩提多羅於樞前入定經七日而出乃求出家
既受具戒尊者告曰如來以正法眼付大迦葉如是展轉乃至
於我我今囑汝聽吾偈曰思地生諸種因事復生理果滿菩
提圓華開世界起尊者付法已即於坐上起立舒左右手各

放光明二十七道五色光耀又踊身虛空高七多羅樹化火自
焚空中舍利如雨收以建塔當宋孝武帝大明元年丁酉歲也
正宗記云宋孝武之世也又注云以建康太平
七年算之洛田在宋孝武建元元年甲午也

景德傳燈錄卷第二



○景徳清修疏二十卷合十五卷

修補者長男重太郎大正五年八月間

浦成又該本余託藤目錄明託又也

少小叔内奥書王品也

大正六年己歲八月吉日

堂主記




ハ小生五山板リ多都集る中、本品ノ如キ奥書
ナシ異字示記也


〇太字天壽藏己八月廿九日別冊
目錄明記ス卷數又ハ數卷共

五山板天壽藏
今ハ五山板

此ノ元板ハ京都大學子校長松本見しモノハ後叙ス
書込納ム但し墨塗ノ箱入小生受取来ノ内也







t017



景德傳燈錄卷第三

中華五祖并旁出尊宿共二十五人

第二十八祖菩提達磨

道育禪師菩提達磨旁出三人

尼惣持已上三人無據緣語句不錄

第二十九祖慧可大師

僧那禪師慧可大師旁出七世共二十七人

相州慧滿禪師已上三人見錄

寶月禪師

大士化公

廖居士

延陵慧簡曇遠出

定林寺慧綱

道副禪師

神撫山禪昌寺常住

向居士

峴山神定禪師

華閑居士

和公

曇遠華閑居士出

彭城慧瑤

六合大覺慧綱出



高郵曇影大覺

泰山明練曇影

揚州靜泰明練出已上十四人無機緣語皆不錄

第三十祖僧璨大師

第三十一祖道信大師旁出七十六人見第四卷

第三十二祖弘忍大師旁出二百二人見第五卷

第二十八祖菩提達磨者南天竺國香至王第三子也姓刹帝利本名菩提多羅後遇二十七祖般若多羅至本國受王供養知師密迹因試令與兄辨所施寶珠發明心要既而尊者謂曰汝於諸法已得通量夫達磨者通六之義也其名達磨因改號菩提達磨師乃告尊者曰我既得法當往何國而作佛事願垂開示尊者曰汝雖得法未可遠遊且止南天待吾滅後六十七載當往震旦設大法藥直接上根慎勿速行衰於日下師又曰彼有大士堪為法器否千載之下有留難否尊

目下山云震旦

山白水者流也文布者反也乃菩提流支三藏之友也

者曰汝所化之方獲菩提者不可勝數吾滅後六十餘年彼國有難水中文布自善降之汝至時南方勿往彼唯好有為功業不見佛理汝縱到彼亦不可久留聽吾偈曰路行踏水復逢羊獨自悽悽暗度江日下可憐雙象馬二株嫩挂久昌昌復演八偈皆預識佛教隆替事具寶林傳及聖賢集師恭稟教義服勤左右垂四十年未嘗廢闕迨尊者順世遂演化本國時有二師一名佛大先一名佛大勝多本與師同學佛陀跋陀小乘禪觀佛大先既遇般若多羅尊者捨小趣大與師並花時號甘露門矣而佛大勝多更分途而為六宗第一有相宗第二無相宗第三定慧宗第四戒行宗第五无得宗第六寂靜宗各封已解別展化源聚落嶄然徒眾甚盛大師喟然而歎曰彼之二師已陷牛迹沉復支離繫盛而分六宗我若不除永纏邪見言已微現神力至第一有相宗所問曰一切諸法何名

懸解莊子曰
安時而外須家
衆不能入此言
之所謂懸也
疏曰公順忘時
蕭然無係古
昔聖人謂之
一縣與懸
同

實相彼衆中有一尊長薩婆羅答曰於諸相中不互諸相是
名實相師曰一切諸相而不互者若名實相當何定邪彼曰於
諸相中實先有定若定諸相何名爲實師曰諸相不定便名
實相汝今不定當何得之彼曰我言不定不說諸相當說
實相彼曰定既不定即非實相知我非故不定不變師
曰汝今不變何名實相已變已往其義亦然彼曰不
變當在在不在故故變實相以定其義師曰實相不變
變即非實於有無中何名實相薩婆羅心知聖師懸解潛達
即以手指虛空曰此是世間有相亦能空故當我此身得似否
師曰若解實相即見非相若了非相其色亦然當於色中不
失全體於非相中不礙有故若能是解此名實相彼衆聞已
心意朗然欽禮信受師又警然匿跡至第二无相宗所問曰

汝言无相當何證之彼衆中有智者波羅提答曰我明无相心
不現故師曰汝心不現當何明之彼曰我明无相心不取捨當於
明時亦無當者師曰於諸有無心不取捨又无當者誰明无故
彼曰入佛三昧尚无所得何況无相而欲知之師曰相既不知
誰云有元尚无所得何名三昧彼曰我說不證證无所得證非三
昧故我說三昧師曰非三昧者何當名之汝既不證非證何證波
羅提聞師辯折即悟本心禮謝於師懺悔往謬師記曰汝當
得果不久證之此國有魔非久降之三已忽然不現至第三定慧
宗所問曰汝學定慧爲一爲二彼衆中有婆蘭陀者答曰我
此定慧非非二師曰既非二何名定慧彼曰在定非定處慧
非慧即非二亦不二師曰當二不當二不二既非定慧約何定
慧彼曰不二不二定慧能知非定非慧亦復然矣師曰慧非定
故然何知哉不二不二誰定誰慧婆蘭陀聞之疑心氷釋至

第四戒行宗所問曰何者名戒云何名行當此戒行為爲二彼
衆中有一賢者答曰三三皆彼所生依教无染此名戒行師曰
汝言依教即是有染二俱被何言依教此二違背不及於行內
外非明何名爲戒彼曰我有內外彼已知竟浙本已字作已依廣燈也部本
字正宗記作既得通達便是戒行若說違背俱是俱非言及清淨
即戒即行師曰俱是俱非何言清淨既得通故何談內外賢者
聞之即自慙服至第五无得宗所問曰汝云无得无得何得既
无所得亦无得得彼衆中有實靜者答曰我說无得非无得得
當說得得无得是得師曰得既不得得亦非得既云得得得
得何得彼曰見得非得非得是得若見不得名爲得得師
曰得既非得得无得既無所得當何得得實靜聞之頓除
疑網至第六寂靜宗所問曰何名寂靜於此法中誰靜誰寂
彼有尊者答曰此心不動是名爲寂於法無染名之爲靜師

曰本心不寂要假寂靜本來寂故何用寂靜彼曰諸法本空以空
空故於彼空空故名寂靜師曰空空已空諸法亦爾寂靜无相
何靜何寂彼尊者聞師指誨豁然開悟既而六衆咸誓歸依
由是化被南天聲馳五印遠近學者靡然嚮風經六十餘載
度無量衆後值異見王輕毀三寶每云我之祖宗皆信佛道
陷于邪見壽年不永運祚亦促且我身是佛何更外救善惡
報應皆因多智之者妄構其說至於國內耆舊爲前王所奉
者悉從廢黜師知已歎彼德薄當何救之又念無相宗中二首
領其一波羅提者與王有緣將證其果其二宗勝者非不博辯
而無宿因時六宗徒衆亦各念言佛法有難師何自妄師適
知衆意即彈指應之六衆聞之云此是我師達磨信譽我等
宜須速行以副慈命言已至師所禮拜問訊師曰今一葉翳羽
虛孰能剪拂宗勝曰我雖淺薄敢憚其行師曰汝雖辯慧

而道力未全。宗勝自念我師恐我見王作大佛事名譽顯達。映奪尊威。縱彼福慧爲主。我是沙門。受佛教旨。豈難敵也。言訖。潛去。至王所。廣說法要。及世界苦樂人天善惡等事。王與之往返。徵詰無不詣理。王曰。汝今所解其法何在。宗勝曰。如王治化。當合其道。王所有道何在。王曰。我所有道將除邪法。汝所有法將伏何人。師不起于坐。懸知宗勝義隨。遽告波羅提曰。宗勝不稟吾教。潛化於王。須臾即屈。汝可速救。波羅提恭稟師旨。云願假神力。言已。雲生足下。至王前。默然而住。時王正問宗勝。忽見波羅提乘雲而至。愕然忘其問。答曰。乘空之者是正。是邪。答曰。我非邪。正而來。正邪。王心若正。我無邪。正王雖驚異而驕慢方熾。即擯宗勝。令出。波羅提曰。王既有道。何擯沙門。我雖無解。願王致問。王怒而問曰。何者是佛。答曰。見性是佛。王曰。師見性否。答曰。我見佛性。王曰。性在何處。答曰。性在作用。王曰。是何作用。

我今不見。答曰。今見作用。王自不見。王曰。於我有否。答曰。王若作用。無有不是。王若不用。體亦難見。王曰。若當用時。幾處出現。答曰。若出現時。當有其人。王曰。其人出現當爲我說。波羅提即說偈曰。在胎爲身。處世名久。在眼曰見。在耳曰聞。在鼻辨香。在舌談論。在手執提。在足運奔。徧現俱該。沙界收攝。在一微塵。識者知是佛性。不識喚作精魂。王聞偈已。心即開悟。乃悔謝前非。咨詢法要。朝夕忘倦。迄于九旬。時宗勝既被斥逐。退藏深山。念曰。我今日歲八十。爲非二十年來。方歸佛道。性雖愚昧。行絕瑕疵。不能禦難。生何如死。言訖。即自投崖。俄有一神人。以手捧承。置于巖石之上。安然無損。宗勝曰。我忝沙門。當與正法爲主。不能抑絕。王非是以捐身自責。何神祐助。至於斯願。垂誥以保餘年。於是神人乃說偈曰。師壽於百歲八十。而造非爲。近至尊故。重修而入道。雖具少智慧。而多有彼我所見。諸賢等未嘗生。

珍敬二十年功德其心未恬靜聰明輕慢故而獲至於此得王
不敬者當感果如是良不疎怠久成奇智諸聖悉在心如
來亦復爾宋勝聞偈欣然即於巖間宴坐時異見王復問波
羅提曰仁者智辯當誦何人答曰我所出教即安羅寺烏沙婆
三藏爲授業師其出世師者即大王叔善提達磨是也王聞師名
驚駭多曰鄙薄忝嗣王位而趣邪見正我尊叔遠救近臣
特加迎請師即隨使而至爲王懺悔往非王聞規誡泣謝于
師又詔宋勝歸國大臣奏曰宋勝被謫投崖今已云矣王告師曰
宋勝之死皆自於吾如何慈令免斯罪師曰宋勝今在巖間宴
息但遣使召當即至矣王即遣使入山果見宋勝端居禪寂宗
勝蒙召乃曰深愧王意負道誓處巖泉且王國賢德如林
達磨是王之叔衆所師波羅提法中龍象願王崇仰二聖以
福皇基使者復命未至師謂王曰知取得宋勝否王曰未知

師曰請未至再命必來良久使還果如師語師遂辭王曰當
善修德不致疾作吾且去矣經七日王乃得疾國醫診治有
加無瘳貴戚近臣憶師前記急發使告師曰王疾殆至彌留
願叔慈悲速來軫救師即至王所慰問其疾時宋勝再承
王召即別巖間波羅提父受王恩亦來問疾波羅提曰當何
施爲今王免苦師即令太子爲王有罪施因崇奉僧寶復爲
王懺悔云願罪消滅如是者三王疾有開師心念震目緣孰行化
時至乃先辭祖塔次別同學然至王所慰而勉之曰當勤修白業
護持三寶吾去非晚九即迴王聞師言涕淚交集曰此國何
罪彼土何祥叔既有緣非吾所止唯願不忘父母之國事畢早迴
王即具大舟賁以衆寶躬率臣寮送至海壖師汎重溟凡三
周寒暑達于南海實梁普通八年丁未歲九月二十日也廣
州刺史蕭昂具主禮迎接表聞武帝帝覽奏遣使齎詔迎

請十月一日至金陵

高僧傳以梁簡文帝時去記為據正宗記言唐以梁武
普通元年庚子歲至此其年乃後魏明帝正光元年也若如此則

與後八歲唐等年皆相合若據此無普通八年丁未歲九月二十日至南海十月一日至金陵則誤也
蓋普通八年三月已改為大通元年則九月不應尚稱普通也南海者今廣州也去金陵數千里
刺史梁國而武帝詔迎道宣十月間便至金陵耶又按南史道宣傳云宣年為廣州刺史但王
表有廣州刺史道宣然不知何年在任今云云○達于南海實梁普通元年廣州刺史又具主禮迎
表表開武帝帝覽奏遣使帝問曰朕即位已來造寺寫經度僧不可勝

紀有何功德師曰並無功德帝曰何以無功德師曰此但人天小

果有漏之因如影隨形雖有非實帝曰如何是真功德答曰

淨智妙圓體自空寂如是功德不以世求帝又問如何是聖講

第一義師曰廓然無聖帝曰對朕者誰師曰不識帝不領悟師

知機不契是月十九日偕回廣德通江北十月二十二日居于洛陽當

後魏孝明太和十年也當後魏孝明正光元年也若據此則宣止于
文帝時是年即南齊武帝永明四年丙寅歲也

嵩山少林寺面壁而坐終日默然人莫之測謂之壁觀婆羅門

時有僧神光者曠達之士也久居伊洛博覽羣書善談玄

理每歎曰孔老之教禮術風規莊易之書未盡妙理近聞達

敬骨取髓大
般若常啼菩
薩故刺血
肉鐵投崖
餉虎事出
賢愚經

唐初山曰以線
之細之縫納為
衣也

磨大士住止少林至人不遙當造玄境乃往彼晨夕參尋師常

端坐面牆莫聞誨勵光自惟曰昔人求道敲骨取髓刺血濟

饑布髮淹泥投崖餉虎古尚若此我又何人其年十二月九日夜天

大雨雪光取立不動達明積雪過膝師憫而問曰汝久立雪中當

求何事光悲淚曰惟願和尚慈悲開甘露門廣度羣生師曰

諸佛無上妙道曠劫精勤難行能行非忍而忍豈以小德小

智輕心慢心欲冀真乘徒勞勤苦光聞師誨勵潛取利刀自

斷左臂置于師前師知是法器乃曰諸佛最初求道為法忘

形汝今斷臂吾前求亦可在師遂因與易名曰慧可光曰諸佛

法印可得聞乎師曰諸佛法印匪從人得光曰我心未寧乞師與

安師曰將心來與汝安曰覓心了不可得師曰我與汝安心竟後

孝明帝聞師異跡遣使齎詔徵前後三至師不下少林帝彌加

欽尚就賜磨衲袈裟二領金鉢銀水餅繒帛等師卒讓三返

赤縣神州中國也張衡云崑崙東南之列史記云中亦名崑崙內有九列島之所叙九列也

卷三

無迷無悟若能解故稱為祖又曰弟子歸心三寶亦有年矣
 而智慧昏蒙尚迷真理適聽師言固知收攝願師慈悲開示
 宗旨師知懇到即說偈曰亦不觀惡而生嫌亦不觀善而勤惜亦
 不捨智而近愚亦不捨迷而就悟達大道兮過量通佛心兮出度
 不與凡聖同躋超然名之曰祖術之聞偈悲喜交并曰願師久
 住世間化導羣有師曰吾即逝矣不引久留根性萬善多途
 患難術之曰未審何人弟子為師除得師曰吾以傳佛祕密
 利益迷途害彼自安必無此理術之曰師若不言何表通變觀
 照之力師不獲已乃為識曰江樓分玉浪管炬開金鎖五口相
 共行九十無彼我術之聞語莫究其端默記于懷禮辭而去
 師之所識雖當時不測而後皆符驗時魏氏奉釋禪傳如林
 光統律師流支三藏者乃僧中之鸞鳳也觀師演道斥相指
 心無與師論議是非鋒起師遂振玄風普施法雨而偏居之量

自不堪任競起害忌數加毒藥至第六度以化緣已畢傳法得人
 遂不復救之端居而逝即後魏孝明帝大和十九年丙辰歲十
 月五日也依續法記則十月五日乃孝莊帝永安元年即梁大通二年戊申歲其年即明
 帝武泰元年也二月明帝崩四月葬即位改元建義九月又改永安也後
 主層世謂是歲明帝崩也據傳燈云丙辰歲即東魏文帝大統二年西魏靜帝三年
 同二年與廢世之說全乖也又太和十九年乃後魏文帝時即南齊明帝建武二年
 其年十二月二十八日葬熊耳山起塔於定林寺後三歲魏宋雲奉
 使西域回遇師于葱嶺見手攜隻履翩翩獨逝雲問師何
 往師曰西天去又謂雲曰汝主已厭世雲聞之茫然別師東還暨
 復命即明帝已登遐矣而孝莊即位雲具奏其事帝令各瑣
 唯空棺一隻革履任焉若依續法記則後三歲乃魏文帝永安三年庚戌歲當梁武中
 大通二年也其年十二月葬帝方崩秦使迴時帝尚在耳若
 據傳燈則後三歲乃已未歲即西魏文帝大統五年東魏靜帝興和元年當梁武大同五年也如此則
 豈復有孝莊帝耶又魏宋雲遇師於葱嶺九誤也宋雲使西域迴時已在魏明帝正光年中矣
 然則遇師於葱嶺者蓋是魏末別號使往西域迴耳○但當云後三歲魏使有自西域迴者遇師
 於葱嶺見手攜隻履翩翩獨逝問師何往曰西天去又謂使曰汝主已厭世使聞之茫然別師東
 還暨復命即明帝已登遐矣而孝莊即位雲具奏其事帝令各瑣唯空棺一隻革履任焉
 遺履於少林寺供養至唐開元十五年丁卯歲為信道

者竊在五臺華嚴寺今不知所在初梁武遇師因緣未契
及聞化行魏邦遂欲自撰師碑而未暇也後聞宋雲事乃
成之代宗謚圓覺大師塔曰空觀師自魏丙辰歲生寂迄
皇宋景德元年甲辰得四百六十七年矣

百十五卷此年代之差皆由實林傳錯誤而楊文公不復考究耳

第二十九祖慧可大師者武牢人也姓姬氏父寂未有子時嘗
自念言我家崇善豈無令子禱之既久夕感異光照室其
母因而懷妊及長遂以照室之瑞名之曰光自幼志氣不羣博
涉詩書元精玄理而不事家產好遊山水後覽佛書超然自得
即抵洛陽龍門香山依寶靜禪師出家受具於永穆寺浮游
講肆徧學大小乘義年三十二却返香山然日宴坐又經載於寂
默中倏見一神人謂曰將欲受果何滯此邪大道匪遙汝其南
矣光知神助因改名神光即日覺頭痛如刺其師欲治之空中有

聲曰此乃接骨非常痛也光遂以見神事自于師師北頂骨
即如玉峯秀出矣乃曰汝相吉祥當有所證神令汝南者斯則
少林達磨大士必汝之師也光受教造于少室其得法傳衣事跡
達磨草具矣自少林託化西歸大師繼闡玄風博求法嗣
至北齊天平二年

當作天保二年乃平末歲也天平東魏年号二年乙卯也

有居士年踰四十不言名

氏率來設禮而問師曰弟子身纏風恙請和尚懺罪師曰
將罪來與汝懺居士良久言罪不可得師曰我與汝懺罪竟
恒依佛法僧住曰今見和尚已知是僧未審何名佛法師曰是
心是佛是心是法佛法佛無二僧寶亦然曰今日始知罪性不在內
不在外亦在中間如其心然佛法無二也大師深器之即為剃
髮云是吾寶也且名僧璨其年二月十八日於光福寺受具自
茲疾漸愈執侍經二載大師乃告曰菩提達磨舊李達遠自
竺乾以正法眼藏密付於五吾今授汝并達磨信衣汝當

委順在子云
性非汝有
是天地之
司馬云委積

守護無令斷絕聽吾偈曰本來緣有地因地種華生本來無
有種華亦不曾生大師付衣法已又曰汝受吾教宜處深山未
可行化當有國難聚曰師既預知願垂示誨師曰非吾知也
斯乃達磨傳般若多羅懸記云心中雖吉外頭凶是也吾校年
代正在于汝當諦思前言勿罹世難然吾亦有宿累今更酬
之善去善行後時傳付大師付囑已即於業都隨旦說法一
音演暢四眾歸依如是積三十四載遂韜光混跡變易儀相
或入諸酒肆或過於屠門或習街談或隨廝役人問之曰師是
道人何故如是師曰我自調心何關汝事又於梵城縣再救寺
三門下談無上道聽者林會時有辯和法師者於寺中講涅槃
經學徒聞師闡法稍稍引去辯和不勝其憤與謗于是
宰翟仲侃仲侃感其邪說加師以非法師怡然委順譴責者
謂之償債時年一百七歲即隋文帝開皇十三年終壯歲三

月十六日也時月俱奉問長沙本和尚古德云即業障本來空本了更廣有債共知
東望長沙云業障是又稱如何是業障長沙云亦空是彼無語長
沙便示偈云像有元非有像滅亦非無涅槃償債義一性更無殊
縣東北七十里唐德宗謚大祖禪師自師之化至

皇宋景德元年甲辰得四百一十三年當作一十二年

僧那禪師姓馬氏少而神雋通究墳典至二十一講禮易於東
海聽者如市暨南徂相部學眾隨至會二祖說法與同志十
人投祖出家自爾手不執筆永捐世典唯一衣一鉢一坐一食奉
頭陀行既久待於祖後謂門人慧滿曰祖師心印非專苦行但
助道耳若契本心發隨意真光之用則苦行如握土成金若唯
務苦行而不明本心為憎愛所縛則苦行如黑月夜履險
道汝欲明本心者當審諦推察遇色遇聲未起覺觀時心何
所之是無邪是有邪既不隨有無處所則心珠獨朗常照世
間而無一塵許間隔未嘗有一刹那頃斷續之相故我初祖

相部山相
山坐者二床

陰
水
陰
名
作
切
鈔

兼付楞伽經四卷謂我師二祖曰吾觀震旦唯有此經可以印
心仁者依行自得度世又二祖凡說法竟乃曰此經四世之後變
成名相深可悲哉我今付汝宜善護持非之慎勿傳之付囑
已師乃游方莫知其終

向居士幽棲林野不食澗飲北齊天保初聞二祖盛化乃致書
通好曰影由形起響逐聲來弄影勞形不識形為影本揚聲
止響不知聲是響根除煩惱而趣涅槃喻去形而覓影離衆生
而求佛果喻默聲而尋響音故知迷悟一途愚智非別無名作
名因其名則是非生矣無理作理因其理則爭論起矣幻化非
真誰是誰非虛妄無實何空何有將知得無所得失無所
失未及造謁聊申此意伏望大慈弄影當非弄影唯恐當時廣議正蓋第
三十一卷鎮國大師卷三十一問心要云弄影真
影此用莊子之說勞形謂走而避影也二祖大師命筆迴示曰備觀來
意皆如實真幽之理竟不殊本迷摩尼謂五礫豁然自覺

是真珠無明智慧等無異當知萬法即皆如愍此二見之徒
輩申辭措筆作斯書觀身與佛不差別何須更覓彼无
餘居士捧披祖偈乃伸禮觀密承印記

相州隆化寺慧滿禪師榮陽人也姓張氏始於本寺遇僧那
禪師開示志存儉約唯畜二鐵冬則乞補夏則捨之自言一生
心無怯怖身無蠱虱睡而不夢常行乞食住無再宿所至伽藍
則破柴製履貞觀十六年於洛陽會善寺側宿古墓中遇大
雪旦入寺見曇曠法師曠怪所從來師曰法有來邪曠遣尋來
處四邊雪積五尺許曠曰不可測也尋聞有括錄事諸僧逃隱
師持鉢周行聚落無所滯礙隨得隨散索爾虛閑有請宿
齋者師曰天下無僧方受斯請也又嘗示人曰諸佛談心知心相
是虛妄今乃重加心相深違佛意又增論議殊乖大理故常
齋楞伽經四卷以為心要如說而行蓋遵歷世之遺付也後於

括錄山官曰
括錄僧居
字欲沙汰之
錄檢束之漢
書錄因徒
師曰省錄
之知其情狀

宿南
山曰
請看也

傳第三
陶治中無疾坐化壽七十許

第三十祖僧璨大師者不知何許人也初以白衣謁二祖既受
度傳法隱于舒州之皖公山屬後周武帝破滅佛法師往來太
湖縣司空山居無常處積十餘載時人無能知者至隋開皇
十二年壬子歲有沙彌道信年始十四來禮師曰願和尚慈悲
乞與解脫法門師曰誰縛汝曰無人縛師曰何更求解脫乎
信於言下大悟服勞九載後於吉州受戒侍奉尤謹師屢
試以玄微知其緣熟乃付衣法偈曰華種雖因地從地種華
生若無入下種華地盡無生師又曰昔可大師付吾法後往鄴
都行化三十年方終今吾得汝何滯此乎即適羅浮山優游
二載却旋舊址逾月士民奔趨大設檀供師為四衆廣宣心要
訖於法會大樹下合掌立終即隋煬帝大業二年丙寅十月
十五日也唐玄宗謚鑑智禪師覺寂之塔至

皇宋景德元年甲辰歲凡四百載矣初唐河南尹李常素仰
祖風深得玄旨天寶乙酉歲遇荷澤神會問曰三祖大師葬
在何處或聞入羅浮不迴或說終於山谷未知孰是會曰璨大
師自羅浮歸山谷得月餘方示滅今舒州見有三祖墓常未
之信也會謫為舒州別駕因詢問山谷寺衆僧曰聞寺後有
三祖墓是否時上坐慧觀對曰有之常欣然與寮佐同往瞻禮
又啟壇取真儀閣維之得五色舍利三百粒以百粒出已俸建塔
焉百粒寄荷澤神會以徵前言百粒隨身後於洛中私第
設齋以慶之時有西域三藏法師那等在會中常問三藏云禪
門祖師多少那答曰自迦葉至般若多羅有二十七祖若叙師
子尊者傍出連磨連四世三十二人總有四十九祖若從七佛至此
璨大師不括橫枝凡三十七世常又問會中耆德曰嘗見祖圖
或引五十餘祖至於枝派甚殊宗族不定或但有空名者以何

為驗時有智本禪師者六祖門人也答曰斯乃後魏初佛法淪替有沙門曇曜於紛結中以素絹單錄得諸祖名字或忘失次第藏衣領中隱于巖穴經三十五載至文成帝即位法明中興曇曜名行俱崇遂為僧統乃集諸沙門重議結集目為付法藏傳其間小有老互即曇曜抄錄時怖懼所致又經一十二年帝令國子博士黃元真與北天竺三藏佛陀扇多吉弗煙等重究梵文甄別宗旨次叙師承得無紕謬也

第三十一祖道信大師者姓司馬氏世居河內後徙於蘄州之廣濟縣師生而超異幼慕空宗諸解脫門宛如宿習既嗣祖風攝心無寐脅不至席者僅六十年隋大業十三載領徒眾抵吉州值羣盜圍城旬不解萬眾惶怖師堅之教念心摩訶般若時賊眾望雉堞間若有神兵乃相謂曰城內必有異人不可攻矣稍稍引去唐武德甲申歲師却返蘄春住破頭山學侶雲

臻日往黃梅縣路逢小兒骨相奇秀異乎常童師問白子何姓答曰姓即有不是常姓師曰是何姓答曰是佛性師曰汝無性邪答曰性空故師默識其法器即俾侍者至其家於父母所乞令出家父母以宿緣故殊無難色遂捨為弟子名曰弘忍舊本無忍字今此添入若不言名以至付法傳衣者是何人耶兼後有忍曰二字亦自不明耳以至付法傳衣偈曰華種有生性因地華生生大緣與信合當生生不生遂以學徒委之曰告眾曰吾武德中游廬山登絕頂望破頭山見紫雲如蓋下有白氣橫於六道汝等會否眾皆默然忍曰莫是和尚他後橫出枝佛法否師曰善後貞觀癸卯歲太宗嚮師道味欲瞻風彩詔赴京師上表遜謝前後三返竟以疾辭第四度命使曰如果不起即取首來使至山諭旨師乃引頸就刃神色儼然使異之迴以狀聞帝彌加歎慕就賜珍繒以遂其志高宗永徽辛亥歲閏九月四日忽無誡門人曰切諸法悉皆解脫汝等各自護念流化未

來言訖安坐而逝。壽七十有二。塔于本山。明年四月八日。塔戶無故自開。儀相如生。爾後門人不敢復開。代宗謚大醫禪師。慈雲之塔。自圓寂至。

皇宋景德元年甲辰。凡三百五十六載。

當云三百五十四載

第三十二祖弘忍大師者。蘄州黃梅人也。姓周氏。生而岐嶷。童游時。逢一智者。歎曰。此子闕七種相。不逮如來。後遇信大師。得法嗣。化於破頭山。感亭中有一居士。姓盧。名慧能。自新舊本誤作蘄州來參謁。師問曰。汝自何來。曰。嶺南。師曰。欲須何事。曰。唯求作佛。師曰。嶺南人無佛性。若爲得佛。曰。即有南北。佛性豈然。師知是異人。乃訶曰。著槽廠去。能禮足而退。便入碓坊。服勞於杵臼之間。晝夜不息。經八月。師知付授時至。遂告衆曰。正法難解。不可徒記。吾言持爲已任。汝等各自隨意。述一偈。若語意真。殊則衣法皆付。時會下七百餘僧。上坐神秀者。學通內外。衆所宗仰。

咸共推稱云。若非尊秀。曷敢當之神秀。乃竊聆衆譽。不復思惟。乃於廊壁書一偈云。身是菩提樹。心如明鏡臺。時時勤拂拭。莫使有塵埃。師因經行。忽見此偈。知是神秀所述。乃讚歎曰。後代依此修行。亦得勝果。其壁本欲令處士盧珍繪。楞伽變相。及見題偈。在壁遂止。不畫。各令誦念。能在碓坊。忽聆誦偈。乃問同學。是何章句。同學曰。汝不知和尚求法嗣。令各述心偈。此則秀上坐所述。和尚深加歎賞。必將付法傳衣也。能曰。其偈云何。同學爲誦。能良久曰。美則美矣。則未及同學。訶曰。庸流何知。勿發狂言。能曰。子不信。邪。願以偈和之。同學不答。相視而笑。能至夜。密告一童子。引至廊下。能自秉燭。吟童子於秀偈之側。寫一偈云。菩提本非樹。心鏡亦非臺。本來無一物。何假拂塵埃。大師後見此偈云。此是真作。亦未見性。衆聞師語。遂不之顧。迨夜乃潛。受自碓坊。始能行者。入室告曰。諸佛出世爲。

大事故隨機小大而引道之遂有土地三乘頓漸等旨以為教
門然以無上微妙秘密圓明真實正法眼藏付于上首大迦葉
尊者展轉傳授二十八世至達磨屈于此土得可大師承襲以至
于吾今以法寶及所傳如衣法衣付於汝善自保護無令斷絕
聽吾偈曰有情來下種因地果還生無情既無種無性亦
無生能居士跪受衣法衣曰法則既授衣付何人師曰昔達磨
初至人未知信故傳衣以明得法今信心已熟衣乃爭端止於
汝身不復傳也且當遠隱俟時行化所謂授衣之人命如懸絲
也能曰當隱何所師曰逢懷即止遇會且藏能禮足已捧衣而
出是夜南邁大衆莫知刃大師自此不復上堂凡三日大衆疑怪
致問祖曰吾道行矣何更詢之復問衣法誰得邪師曰能者得
於是衆議盧行者名能尋訪既失懸知彼得即共奔逐忍大
師既付衣法復經四載至上元二年乙亥歲乃唐高宗時至武周時後有上元年号其二年歲在辛丑也

忽告衆曰吾今事畢時可行矣即入室安坐而逝壽七十有四
建塔於黃梅之東代宗皇帝謚大滿禪師法雨之塔自
大師滅度至

皇宋景德元年甲辰凡三百二十年

景德傳燈錄卷第二

延和二年
諸場山禪師

景德傳燈錄卷第四

第三十一祖道信大師旁出法嗣九世共十六人

金陵牛頭山六世祖宗

第一世法融禪師

第二世智巖禪師

第三世慧方禪師

第四世法持禪師

第五世智威禪師

第六世慧忠禪師已上六人見錄

前六世祖宗法嗣共七十八人

法融禪師下三世旁出二十人

金陵鍾山曇璿禪師見錄

荊州大素禪師

幽棲月空禪師

白馬道演禪師

新安定莊禪師

彭城智瑳禪師

廣州道樹禪師

湖州智爽禪師

新州杜默禪師

上元智誠禪師

定真禪師智諺禪師出

如度禪師定真禪師出已上三人無機緣語不錄

智巖禪師下旁出八人

東都鏡潭禪師

襄州志長禪師

湖州義真禪師

益州端伏禪師

龍光龜仁禪師

襄陽辯才禪師

漢南法俊禪師

西川敏古禪師已上人無機緣語不錄

法持禪師下旁出三人

牛頭山玄素禪師

天柱弘仁禪師已上人無機緣語不錄

智威禪師下四世旁出二十二人

宣州安國寺玄挺大師智威禪師出三人

潤州鶴林玄素禪師

舒州天柱山崇慧禪師

杭州徑山道欽禪師玄素禪師出

杭州鳥窠道林禪師道欽禪師出

杭州招賢寺會通禪師鳥窠旁出已上六人見錄

靈巖寶觀禪師智威禪師出 金華山曇益禪師玄素禪師出二人

吳門圓鏡禪師 木渚山悟禪師徑山欽禪師旁出三人

青陽廣敷禪師 杭州巾子山崇慧禪師已六人無機緣語不錄

已上舊本世次不明今各依本章添注法嗣共成四世也

慧忠禪師下兩世旁出三十六人除天台靈居智及潤州棲霞二人外餘皆志禪師出

天台山佛窟嚴惟則禪師 天台山雲居智禪師惟則禪師出已上二人見錄

牛頭山道性禪師 江寧智燈禪師

解縣懷信禪師 鶴林全禪師

北山懷古禪師 明州觀宗禪師

牛頭山大智禪師 白馬善道禪師

牛頭山智真禪師 牛頭山謹顯禪師

牛頭山雲韜禪師 牛頭山凝禪師

牛頭山法梁禪師

江寧行應禪師

牛頭山惠良禪師

興善道融禪師

蔣山照明禪師

牛頭山法燈禪師

牛頭山定空禪師

牛頭山慧涉禪師

幽棲道遇禪師

牛頭山凝空禪師

蔣山道初禪師

幽棲藏禪師

牛頭山靈輝禪師

幽棲道頴禪師

牛頭山巨英禪師

釋山法常禪師

龍門凝寂禪師

莊嚴遠禪師

襄州道堅禪師

居明悟

居士殷淨已

潤州棲霞寺清源禪師

慧涉出已上三十八人無機緣語句不錄

第三十二祖弘忍大師五世旁出二百七人

第二世三十八

北宗神秀禪師

嵩嶽慧安國師

袁州蒙山道明禪師

已上三人見錄揚州奉法寺曇光禪師

隋州禪性禪師

金州法持禪師

資州智侁禪師

舒州法照禪師

越州義方禪師

枝江道俊禪師

常州玄蹟禪師

越州僧達禪師

白松山劉主簿

已上十人無機緣語句不錄

第二世三十九

北宗神秀禪師法嗣二十九人

五臺山巨方禪師

河中府中條山智封禪師

兗州降魔藏禪師

壽州道樹禪師

淮南都梁山全植禪師

已上五人見錄

荆州辭朗禪師

嵩山普寂禪師

大佛山香音禪師

西京義福禪師

忽雷澄禪師

東京日禪師

太原徧淨禪師

南嶽元觀禪師

汝南杜禪師

嵩山敬禪師

京兆小福禪師

晉州霍山觀禪師

潤州茅山崇珪禪師

安陸懷空禪師已上三人無機緣語句不錄

前嵩嶽慧安國師等法嗣十八人

洛京福先寺仁儉禪師慧安國師出六人

嵩嶽破竈墮和尚

嵩嶽元珪禪師已上三人見錄

常山坦然禪師

鄴都圓寂禪師

西京道亮禪師

揚州大捨管李玄逸道亮禪師旁出五人

工部尚書張錫

國子祭酒崔融

秘書監賀知章

睦州刺史康詵

正壽禪師隋州神農禪師出

洪州崇寂禪師蒙山道明禪師出三人

江西瓊禪師

撫州神貞禪師

資州慶寂禪師資州智說禪師出

義興神斐禪師玄曠禪師出二人

湖州暢禪師已上十五人無機緣語句不錄

第三世四十九人

前荊州辭朗禪師法嗣三人

紫金玄宗禪師

明州大梅山車禪師

博界慎微禪師已上三人無機緣語句不錄

前嵩山普寂禪師等法嗣四十六人

終南山惟政禪師普寂禪師出三十四人又見錄

廣福慧空禪師

常越禪師

襄州夾石山思禪師

明瓚禪師

敬愛寺真禪師

兗州守賢禪師

定州石藏禪師

南嶽澄心禪師

南嶽日照禪師

洛京同德寺幹禪師

蘇州眞亮禪師

瓦棺寺璿禪師

弋陽法融禪師

廣陵演禪師

陝州慧空禪師

洛京眞亮禪師

澤州豆月禪師

亳州曇眞禪師

都梁山崇演禪師

京兆章敬寺澄禪師

嵩陽寺一行禪師

京兆北土寺融禪師

曹州定陶丁居士

大雄猛禪師西京義福禪師出八人

西京大震動禪師

神斐禪師

西京大悲光禪師

西京大隱禪師

定境禪師

道播禪師

玄證禪師

西京寂滿禪師降魔戴禪師出三人

西京定莊禪師

南嶽慧隱禪師

神照禪師南嶽元觀禪師出

京兆藍田深寂禪師小福禪師出三人

太白山日沒雲禪師

東白山法超禪師

峴山幽禪師靈山觀禪師出

益州無相禪師資州惠寂禪師出四人

益州長松山馬禪師

超禪師

梓州曉了禪師

西京智游禪師義興斐禪師出二人

東都智深禪師已上四十五人無機緣語句不錄

第四世七人

前興善惟政禪師法嗣二人

衡州定心禪師

敬愛寺志眞禪師已上三人無機緣語句不錄

前益州無相禪師等法嗣五人

益州保唐寺無住禪師無相禪師出云一人見錄

荊州明月山融禪師

漢州雲頂山王頭陀

益州淨衆寺神會禪師武誠禪師

傳界慎微禪師出已上
二人無機緣語句不歸

第五世一人

前敬愛寺志真禪師法嗣一人

嵩山照禪師

一人無機緣
語句不歸

第三十一祖道信大師下旁出法嗣

金陵牛頭山六世祖宗

第一世法融禪師者潤州延陵人也姓韋氏年十九學通經史

尋閱大部般若曉達真空忽一日歎曰儒道世典非究竟法般若

正觀出世舟航遂隱茅山投師落髮後入牛頭山幽棲寺北

巖之石室有百鳥銜花之異唐貞觀中四祖遙觀氣象知

彼山有奇異之人乃躬自尋訪問寺僧此間有道人否曰出家

見郭箇不是道人祖曰阿那箇是道人僧無對別僧云此去山

中十里許有一橫巖見之不起亦不合掌莫是道人祖遂入山

大品般若也
統僧傳入
荷山依果
而利發力

元龜未見
作這分是

方寸列子曰
吾見子之心
矣一之地
厚矣

見師端坐自若曾無所顧祖問曰在此作什麼師曰觀心祖曰

觀是何心是何物師無對便起作禮師曰大德高棲何所祖

曰貧道不決所止或東或西師曰還識道信禪師否曰何以問他

師曰嚮德滋久真一禮謁曰道信禪師貧道是也師曰因何降

此祖曰特來相訪莫更有宴息之處否師拍後雲別有小庵遂

引祖至庵所遠庵唯見虎狼之類祖乃舉兩手作怖勢師曰

猶有遮人在祖曰適來見什麼師無語小還祖却於師宴坐

石上畫佛字師觀之竦然祖曰猶有遮箇在師未曉乃稽首請

說真要祖曰夫百千法門同歸方寸河沙妙德總在心源一切戒門

定門慧門神通變化悉自具足不離汝心一切煩惱業障本來

空寂一切因果皆如夢幻無三界可出無菩提可求人與非人性

相平等大道虛曠絕思絕慮如是之法汝今已得更無闕少與佛

何殊更無別法汝但任心自在莫作觀行亦莫澄心莫起貪瞋莫

破相教者所
謂三論宗也
條貫衆者
一教兼茂之
於較主之
山相去傳
遠也

懷愁慮蕩蕩無礙任意縱橫不作諸善不作諸惡行住坐臥
觸目遇緣總是佛之妙用快樂無憂故名爲佛師曰心既具足
何者是佛何者是心祖曰悲心不問佛問佛非不心師曰既不許
作觀行於境起時心如何對治祖曰境緣無好醜好醜起於心若
不強名妄情從何起妄情既不起真心任徧知汝但隨心自
在無復對治即名常住法身無有變異吾受璨大師頓教法
門今付於汝汝今諦受吾言只住此山向後當有五人達者紹
汝玄化美判爲低絕無寄宗引破相教而印之有僧問南泉生頭未見四祖時爲什麼鳥獸禽
花來供養南泉云只爲步步隨佛階梯洞山云云掌觀珠云忌不暫捨僧云見後意什
麼不來南泉云直饒不來猶較王老師一線道洞山云通身去也又一尊宿答前問云賊不打貧兒
家僧問老宿牛頭未見四祖時如何云如修實業僧云見後如何云秋夜紛紛又僧問吳越未明著禪師
牛頭未見四祖時如何云牛頭僧云見後祖付法訖遂返雙峯慈老師自爾法
席大盛唐永徽中徒衆乏糧師往丹陽緣化去山十里躬
負米石八斗朝往暮還供僧三百二時不闕三年邑宰蕭元
善請於建初寺講大般若經聽者雲集至城靜品地爲之震

六月水山云六月
何處有水若未
之則知之皆無
也言一切境无定

動講罷歸山博陵王問師曰境緣色發時不言緣色起云何得知
緣乃欲息其起師答曰境色初發時色境二性空本無知緣者心量
與知同照本發非發爾時起自息抱暗生覺緣心時緣不逐至
如未生前色心非養育從空本無念想受言念生起法未曾起
豈用佛教教令問曰聞目不見色內心動慮多幻識假成用起名終不
何處發師曰聞目不見色內心動慮多幻識假成用起名終不
過知色不關心心亦不關心隨行有相轉鳥去空中真問曰境
發無處所緣覺了知生境謝覺還轉覺乃變爲境若以心
曳心還爲覺所覺從之隨隨去不離生滅際師曰色心前後中
實無緣起境念自疑忘誰能計動靜此知自無知知緣不食
當自檢本形何須求域外前境不變謝後念不來今求月執玄
影討迹逐飛禽欲知心本性還如視夢裏壁之六月水處處皆
相似避空終不脫求空復不成借問鏡中像心從何處生問

恰恰用心時
也又通當常
也

言能所皆空
早心相會當
者智者此語
者心冥得也
萬倍非者我
思量則言心
方倍非也
方便說一
者言魚有
言不巳而
本性之上
此說也
能迴顧者鏡
中像乃是
動死心也
遲者持也
有能覺則三
心却成三
自真性空下清寒雪也

前途者波派
未生之前也
喻如未說法
自真性空下清寒雪也
住定候者三遲皆共不起也

前覺後覺并境有三心者
前者始覺後者本覺也三心者境有心
五道地獄餓鬼畜生人天
後漢并冊傳注云紛紛猶浩博也

六道之時修
羅者或思或
天或後修生
利劍所至
一而不進傷三
更者三遲共不
成也
四魔
煩惱一五一
障
心心者知覺
之心也
智中智者一
加智而真智
解脫者有毛
記之名也

錢像
慈覺者起
緣慈化象也
折中史記
於夫子注不輕
不重

曰恰恰用心時若為安隱好師曰恰恰用心時恰恰無心用由譚
名相勞耳說無繁重無心恰恰用常用恰恰無心說無心處
不與有心殊問曰智者引妙言與心相會當言與心路別恰則
萬倍彰師曰方便說妙言破病大乘道非關本性謹還從
空化造無念為真常終當絕心路離念性不動生滅無乖
悞谷響言既有聲鏡像能迴顧問曰行者體境有因覺知
境之前覺及後覺并境有三心師曰境用非體覺覺見能
不應思因覺知境亡覺時境不起前覺及後覺并境有三
遲問曰住定俱不轉將為正三昧諸業不能牽不知細無明
徐徐躡其後師曰復聞別有又虛執起心量三中事不成
不轉還虛妄心為正受縛謂之淨業障心塵萬分不了說
無明細細習因起徐徐名相生風來波浪轉欲靜水還平更
欲前途說恐畏後心驚無念大獸吼性空下霜雪是散穢

草摧縱橫飛鳥落五道定紛綸四魔不前却既如猛火燎還
如利劍所問曰賴覺知萬法萬法本來然若假照用心只得照用
心不應心裏事師曰賴覺知萬法萬法終無賴若假照用心應不
在心外問曰隨隨無簡擇明心不現前復慮心闇昧德用功行智障
復難除師曰有此不可有尋此不可尋無簡即真擇得闇出明心
慮者心冥昧存心託功行何論智障難至佛方為病問曰折中消息
閒實亦難安帖自非用行人此難終難見師曰折中欲消息消息
非難易先觀心處心次推智中智第三照推者第四通無記第
五解脫名第六等真偽第七知法本第八慈無為第九徧空
陰第十雲雨被最盡彼無覺無明生本智鏡像現三業幻人
化四衢不住空邊盡當照有中無不出空有內不攝空有俱
號之名折中折中非言說安帖無處安用行何能決問曰別有
一種人善解空無相口言定亂復道有中無同證用常寂知覺

所中消息
難安帖
者言取
中而欲
與心則
未安穩

寂常用用心會具理後言用無用智慧方便多言辭與理合如
如理自如不由識心會既知心會悲心復相泯如是難知法永劫
不能知同此用心之法所不能化師曰別有證空者還如前偈論
行空寂滅識見暫時翻會實具是心量終知未了原又說息心用
多智疑相似良由性不明求空且勞已求劫住幽識抱相都不知
放光便動地於彼欲何為問曰前件看心者復有羅穀難師曰
看心有羅穀幻心何待看況無心者從容下口難問曰又有大
基業心路差互間得覺微細障即達於真際自非善巧師無
能決此理仰惟我大師當為開要門引導用心者不令失正
道師曰法性本基業夢境成差互實相微細身色心常不悟
忽逢混沌士哀怨惑羣生記疑廣設問抱理內常明生死幽
徑徹毀譽心不驚焉野老顯分答法相媿來儀蒙發羣生藥
還如色性為顯慶元年邑宰蕭元善請出山住建初師辭不獲

空保侯反
下棺也

惠可大師法嗣

免遂命入室上首智嚴付囑法印令以次傳授將下山謂眾曰
吾不復踐此山矣時鳥獸哀號踰月不止庵前有四大桐樹仲
夏之月忽自凋落明年丁巳閏正月二十三日終於建初壽六十
四臘四十二十七日薨于雞籠山會送者萬餘人其牛頭山舊居金
源虎跑泉錫杖泉金龜等池宴坐石室今悉存焉
第二世智嚴禪師者曲阿人也姓華氏弱冠智勇過人身長七尺
六寸隋大業中為郎將常以弓挂一濾水囊隨行所至汲用累
從大將征討頻立戰功唐武德中年四十遂乞出家入舒州皖公山
從寶月禪師為弟子後一日宴坐觀異僧身長丈餘神姿爽拔
詞氣清朗謂師曰卿八十生出家宜加精進言訖不見嘗在谷
中入定山水瀑漲師怡然不動其水自退有獵者遇之因改
過修善復有昔同從軍者入聞師隱遁乃共入山尋之既見
因謂師曰即將狂邪何為住此答曰我狂欲醒君狂正發夫

噉色淫聲貪榮冒寵流轉生死何由自出二人感悟歎息而去師貞觀十七年歸連業入牛頭山謁融禪師發明大事禪師謂師曰吾受信大師真訣所得都亡設有法勝過涅槃吾說亦如夢幻夫一塵飛而翳天芥墮而覆地汝今已過此見吾復何云山門化導當付之於汝師冥命爲第二世後以正法付方禪師住白馬栖玄兩寺又遷住石頭城於儀鳳二年正月十日示滅顏色不變屈伸如坐室有異香經旬不散遺言永葬壽七十有八臘三十有九

第三世慧方禪師者潤州延陵人也姓濮氏投開善寺出家及進具洞明經論後入牛頭山謁巖禪師諮詢祕要巖觀其根器堪任正法遂示以心印師豁然領悟於是不出山林數僅踰十年四方學者雲集師一旦謂衆曰吾欲他行隨機利物汝等自安也乃以正法付法持禪師遂歸茅山數載將

欲滅度見有五百許人鬚髮後垂狀如菩薩各持幡華二讀法師講之感山神現大蟒身至庭前如將泣別師謂侍者洪道曰吾去矣汝爲吾報諸明人及門人奔至師已入滅時唐天冊元年八月一日山林變爲豁澗絕流七日道俗悲慕聲動山谷壽六十有七臘四十

第四世法持禪師者潤州江寧人也姓張氏幼歲出家年三十遊黃梅忍大師坐小閣法心開後復遇方禪師爲之印可乃繼迹山間作牛頭宗祖及黃梅謝世謂弟子玄曠曰後傳吾法者可有一人金陵法持是其也後以法眼付智威禪師於唐長安二年九月五日終於金陵延祚寺無常院遺囑令露骸松下銅諸鳥獸迎出日空中有神幡從西而來達山數里所居故院竹林變爲七日而止壽六十有八臘四十一

第五世智威禪師者江寧人也姓陳氏住迎青山始壯歲忽二

印可念仙三昧
經云今此三昧
一切諸仙之所
一也同音義
云印信也文記
施行所在信
用也可者許
也

日家中失之莫知所往及父母尋訪乃知已依天寶寺統法師出家矣年二十受具後聞法持禪師出世乃往禮謁傳受正法焉自爾江左學徒皆奔走門下其中有慧忠者目為法器師嘗有偈示曰莫繫念念成生死河輪迴六趣海無見出長波慧忠偈答曰念想由來幻性自無終始若得此中意長波當自止師又示偈曰余本性虛無緣妄生人我如何息妄情還歸空處坐慧忠偈答曰虛無是實體人我何所有妄情不須息即此般若解師知其了悟乃付以山門遂隨緣化道導於唐開元十七年二月十八日終於延祚寺將示滅謂弟子云將屍林中施諸鳥獸壽七十有七

第六世慧忠禪師者潤州上元人也姓王氏年二十三受業於莊嚴寺其後聞威禪師出世乃往謁之威才見曰山主來也師感悟微旨遂給侍左右後辭詣諸方巡禮威於其戒院見凌霄藤

遇真委悴人欲殺之因謂之曰勿剪慧忠還時此藤更生及師迴果如其言即以山門付囑訖出居延祚寺師平生衲不剪器用唯鐵嘗有供僧穀兩廬次者親伺虎為守之縣令張遜者至山頂謁問師有何徒弟師曰有三五人遜曰如何得見師敲禪牀有三虎哮吼而出遜驚怖而退後眾請入城居莊嚴舊寺師欲於殿東別創法堂先有古木羣鵲巢其上主人將伐之師謂鵲曰此地建堂汝等何不速去言訖羣鵲乃遷巢他樹初鵲集有一神人定其四角復潛去其夜役遂不日而就繇是四方學徒雲集坐下矣得法者有三十四人各住一方轉化多眾師嘗有安心偈示眾曰人法雙淨善惡兩忘真息真實菩提道場唐大歷三年石室前挂錦樹挂衣藤忽盛夏枯死四年六月十五日集僧布薩訖命侍者淨髮浴身至夜有瑞雲覆其精舍空中復聞天樂之聲詰旦怡然坐化時風雨暴作震折林木復有白

虹貫子巖壑五年春茶毗獲舍利不可勝計壽八十七

前決融禪師下三世旁出法嗣

金陵鍾山曇瑠禪師者吳郡人也姓顧氏初謁牛頭融大師天

師目而意之乃告之曰色聲為無生之鳩毒受相是至人之坑穽

子知之乎師默而審之曰悟至矣尋晦迹鍾山多歷年所茅庵

居以終焉唐天授三年二月六日恬然入定七日而滅壽六十二

前智威禪師下三世旁出法嗣

宣州安國寺玄挺禪師者不知何許人也嘗曰有良安講華嚴

經僧來問五祖云真性緣起其義云何祖默然時師侍立次乃

謂曰大德正興念問時是真性中緣起其僧言下大悟又或問

南宗自何而立師曰心宗非南北

潤州鶴林玄素禪師者潤州延陵人也姓馬氏唐如意年中受

業於江寧長壽寺晚參智威禪師遂悟真宗後居京口

鶴林寺嘗曰有屠者禮謁願就所居辦供師欣然而往來皆誦

之師曰佛性平等賢惠一致但可度者吾即度之復何差別之

有或有僧問如何是西來意師曰會即不會疑即不疑師又

曰不會不疑底不疑不會底又有僧扣門師問是什麼人曰是

僧師曰非但是僧佛來亦不著曰佛來為什麼不著師曰無

汝止泊處天寶十一年十一月十一日中夜無疾而滅壽八十五建塔

於黃鶴山勅益大津禪師大和寶航之塔

舒州天柱山崇慧禪師者舒州人也姓陳氏唐乾元初往舒州天

柱山創寺永泰元年勅賜號天柱寺僧問如何是天柱境師曰

主簿山高難見曰主簿峯前見曉人問達磨未來此土時還有佛

法也無師曰未來時且置即今事作麼生曰某甲不識會乞師指示師

曰萬古長空一朝風月良久又曰聞梨會麼自己分上作麼生干他

達磨來與未來作麼他家來大似賣卜漢相似見汝不會為

天柱山不周山也乾元有永泰元年號光明藏無作先生

汝錫破卦文才生吉凶在汝分上切自看僧問如何是解卜底
人師曰汝才出門時便不中地問如何是天柱家風師曰時有白
雲來開戶更無風月四山流問亡僧遷化向什麼處去也師曰
嶺峯高長積翠舒江明月色光暉問如何是大通智勝佛師
曰曠大劫來未曾離滯不是大通智勝佛是什麼曰為什麼
佛法不現前師曰只為汝心裏所以成不現前汝若會去亦
無佛道可成問如何是道師曰白雲覆青嶂蜂鳥步庭花問
從上諸聖有何言說師曰汝今見吾有何言說問宗明中請師
舉唱師曰石牛長吼真空外木馬嘶時月隱山問如何是和尚
利人處師曰雨蒲滋千山秀色問如何是天柱山中人師曰獨
步千峯頂優游九曲泉問如何是西來意師曰白猿抱子來
青嶂蜂蝶御花綠葉間師居山演道凡二十二載大歷十四年
七月二十二日歸寂起塔于寺北真身見在

前潤州鶴林寺玄素禪師法嗣

溫粹者
溫純粹之
氣像之
東心指且
之角也

杭州徑山道欽禪師者蘇州崑山人也姓朱氏初服薩婆儒教年二
十八玄素禪師遇之因謂之曰觀子神氣溫粹真法寶也師感
悟因求為弟子素躬與落髮乃戒之曰汝乘流而行達徑即
止師遂南行抵臨安見東北山因訪於樵子曰此徑山也乃駐錫
焉有僧問如何是道師云山上有鯉魚水底有蓬塵馬祖令人
送書到書中作一圓相師發紙於圓相中作一畫却封迴
師問如何是祖師西來意師曰汝問不當曰如何得當師
曰待吾滅後即向汝說馬祖冷門人智藏來問十二時中以何為境
師曰待汝迴去時有信藏曰如今便迴去師曰傳語却須問取曹
谿唐大歷三年代宗詔至闕下親加瞻禮曰師在內庭見帝起立
帝曰師何以起師曰檀越何得向四威儀中見貧道帝悅謂忠
國師曰欲錫欽師一名忠欣然奉詔乃賜號國一焉後辭歸

本山貞元八年十二月示疾說法而逝壽七十有九勅謚曰大覺禪師

前杭州徑山道欽禪師法嗣

杭州烏窠道林禪師本郡富陽人也姓潘氏母朱氏夢日光合因而有娠及誕異香滿室遂名香光焉九歲出家二十於荊州果願寺受戒後詣長安西明寺復禮法師學華嚴經起信論復禮示以真妄頌俾修禪那師問曰初云何觀云何用心復禮久而無言師三禮而退屬唐代宗詔徑山國禪師至闕師乃謁之遂得正法及南歸先是孤山永福寺有辟支佛塔時道俗共爲法會師振錫而入有靈隱寺韓光法師問曰此法會何以作聲師曰無聲誰知是會後見秦望山有長松枝葉繁茂盤屈如蓋遂棲止其上故時人謂之烏窠禪師復有鵲巢于其側自然馴狎人亦曰爲鵲巢和尚有侍者金昌通忽

指思真作
自淨其意
法仙教
場河舍

一山云唐帝有
后三千人作六
宮以五百人置
之二宮六宮
皆如此今皆
會通昔以此
官

日欲辭去師問曰汝今何往對曰會通爲法出家以和向不垂慈誨今往諸方學佛法去師曰若是佛法吾此間亦有少許曰如何是和尚佛法師於身上拈起布毛吹之會通遂領悟玄旨和中皇居易出守茲郡因入山禮謁乃問師曰禪師住處甚危險師曰大守危險尤甚曰弟子位鎮江州荷險之有師曰薪火相交識性不停得非險乎又問如何是佛法大意師曰諸惡莫作衆善奉行白曰三歲孩兒也解甚麼道師曰三歲孩兒雖道得八十老人行不得白遂作禮師於長慶四年二月十日告侍者曰吾今報盡言訖坐亡壽八十有四臘六十三

南云師名圖
者恐是謠

前杭州烏窠道林禪師法嗣
杭州招賢寺會通禪師本郡人也姓吳氏本名元卿形相端嚴幼而聰敏唐德宗時爲宮使王族咸美之春時見昭陽宮華井數榮翫而久之後聞空中有聲曰虛幻之相開謝不停能

教崇

變善根仁者安可嗜之師省念稚滋崇善極生厭患帝一日游
宮問曰卿何不樂對曰臣幼不食葷羶志願從釋曰朕視卿
若昆仲但富貴欲出于人表者不違卿唯出家不可既決旬
帝親其容顏語王賓相之奏曰此人當紹隆三寶帝謂師曰
如卿願仕選曰遠道奏來師荷德致謝尋得鄉信言母患
乞歸寧省帝厚其賜勅有司津遣師至家未幾會稽光祿
師勉之謁烏巢為檀越與結庵剎寺寺成啓曰弟子七歲隨
父受五戒今年二十有二為出家故休官願和尚授與僧相曰今
時為僧鮮有精苦者行多浮濫師曰本淨非琢磨元明不
隨昭曰汝若了淨智妙圓體自空寂即真出家何假外相
汝當為在家菩薩戒施俱修如謝靈運之儔也師曰然理雖
如此於事何益儻垂攝受則誓遵師教如是三請皆不諾
時韜光堅曰烏巢曰宮使未嘗娶亦不畜侍女禪師若不採

接誰其度之烏巢即與披剃具戒師常卯齋晝夜精進誦
大乘經而習安般三昧尋固辭遊方烏巢以布毛示之悟言時
謂布毛侍者烏巢章暨烏巢歸寂垂三十載武宗廢其寺師
與衆僧禮辭靈塔而薦莫知其終

前慧忠禪師兩世旁出家嗣

天台山佛窟巖惟則禪師者京兆人也姓長孫氏初謁牛頭忠
禪師大悟玄旨後隱於天台瀑布之西巖唐元和中法席
漸盛始自具其巖為佛窟焉一日示衆云天地無物也我無物
也外未嘗無物斯則聖人如影印年如夢孰為生死哉至人以是
獨昭能為萬物之主吾知之矣汝等知之乎有僧問如何是那
羅延箭師云中的也忽一日告門人曰汝當自勉吾何言哉後二日
夜安坐三昧滅壽八十臘五十有八

前天台山佛窟巖惟則和尚法嗣

无我上有物
然未嘗是物
无作是物
也而亦未嘗
物也斯則
作如此則
作始
那羅延此云
堅固聲曰天
力士名也厚
疏此云金剛神

脩尸祝及
疾也
子郭象注
往來不難之
自也

又當作凡夫

阿當作何

元了不了作
能了不了

天台山雲居智禪師嘗有華嚴院僧繼宗問見性成佛
其義云何師曰清淨之性本來湛然無有動搖不屬有無
淨穢長短取捨體自脩然如是明見乃名見性性即佛佛即
性故云見性成佛曰性既清淨不屬有無因何有見師曰見
無所見曰無所見因何更有見師曰見處亦無曰如是見時是
誰之見師曰無有能見者曰究竟其理如何師曰汝知否妄計
為有即有能所乃得名迷隨見生解便隨生死明見之人即不
然終日見未嘗見求見處體相不可得能所俱絕名為見性曰
此性徧一切處否師曰無處不徧曰凡夫具否師曰上言無處不
徧豈是人而不具乎曰因何諸佛菩薩不被生死所拘而凡夫具
樂此甚阿曾得徧師曰凡夫於清淨性中計有能所即墮生
死諸佛大士善知清淨性中不屬有無即能所不立若如是
說即有了不了之師曰了尚不可得豈有能了之人乎曰理如何

具當
獨

金作生

師曰我以要言之汝即應念清淨性中無有凡聖亦無了人不
了人凡之與聖二俱是名若隨名生解即隨生死若知假名不實
即無有當名者又曰此是極究竟處若云我能了彼不能了即是
大病見有淨穢凡聖亦是大病作無凡聖解又屬撥無因果
見有清淨性可棲止亦大病作不棲止解亦大病然清淨性
中雖無動搖具不壞方便應用及興起運悲如是興運之處
即全清淨之性可謂見性成佛矣繼宗踊躍禮謝而退

第三十二祖忍大師第一世旁出法嗣第二

北宗神秀禪師者神秀三藏法師云良地生名神秀開封尉氏人也姓李氏

少親儒業博綜多聞俄捨愛出家尋師訪道至蘄州雙峯

東山寺遇五祖忍師以坐禪為務乃歎伏曰此真吾師也誓心

苦節以推汲自役而求其道忍默識之深加器重謂之曰吾

度人多矣至於悟解無及汝者忍既示滅秀遂住江陵當

殯俾及
歟也
徵士文選
隱居有詔
孔微不故
謂之又謂
丁大者
二千丁又
以上為丁
殯俾及
徵士文選
隱居有詔
孔微不故
謂之又謂

陽山唐武后聞之召至都下於內道場供養特加欽禮命於舊
山置度門寺以旌其德時王公士庶皆望塵拜伏暨中宗即位尤
加禮重大臣張說嘗問法要執弟子之禮師有偈示眾曰切佛
法自心本有將心外求捨父逃走神龍二年於東都天宮寺入滅
賜諡大通禪師羽儀法物送殯於龍門帝送至橋王公士庶皆
至葬所張說及徵士盧鴻等各為碑誄明人普救義福等並
為朝野所重羽儀法物易曰上九鴻漸于陸其利可用為侯吉唐侯衛志曰天子居曰衙行
駕皆有衛有嚴羽蓋旌旗罕車馬之象盛矣
嵩嶺慧安國師總持寺藏主九女與論
絕婚姻抄狀添六師相與對非州枝江人也姓衛氏隋
文帝開皇十七年擢天下私度僧尼勘師云本無名遂遁于山
谷大業中大發丁夫開通濟渠餓殍相枕師乞食以救乏
獲濟者甚眾煬帝徵師不赴潛入太白山暨帝幸江都海
內擾攘乃杖錫登衡嶽寺行頭陀行唐貞觀中至黃梅謁
祖遂得心要麟德元年游終南山石壁因止焉高宗嘗召師

嵩山少林

不奉詔徧歷名迹至嵩少云是吾終焉之地也自爾禪者輻湊有
坦然懷讓二人來參問曰如何是祖師西來意師曰何不問自己意
曰如何是自己意師曰當觀密作用曰如何是密作用師以目開
合示之然言下知歸更不他適讓機緣不迫辭往曹谿武后
徵至羣下待以師禮與神秀禪師同加欽重后嘗問師甲子
對曰不記后曰何不記邪師曰生死之身其若循環環無起盡焉用
記為況此心流注中間無間見漚起滅者乃妄想耳從初識至
動相滅時亦只如此何年月而可記乎后聞稽顙信受尋以神
龍二年中宗賜紫袈裟度弟子二十七人仍延入禁中供養三年
又賜磨衲一副辭歸嵩嶺是年三月三日囑門人曰吾死已將
屍向林中待野火焚之俄爾萬迴公來見師猖狂握手言論傍
侍傾耳都不體會至八日閉戶偃身而寂春秋二百二十八隋開皇
生唐景龍三年己酉
滅時攝老安國師門人遵旨昇置林間果野火自然闍維得舍利八

十粒內五粒色紅紫留於宮中至先天二年門人建浮圖

袁州蒙山道明禪師者鄱陽人陳宣帝之裔孫也國亡落於民間以其王孫嘗受署因有將軍之號少於永昌寺出家慕道頗切往依五祖法會極意研尋初無解悟及聞五祖密付衣法與盧行者即率同意數十人躡迹追逐至大庾嶺師最先見餘輩未及盧行者見師奔至即擲衣鉢於磐石曰此衣表信可力爭邪任君將去師遂舉之如山不動踟躕悚慄乃曰我來求法非為衣也願行者開示於我祖曰不思善不思惡正恁麼時阿那箇是明上坐本來面目師當下大悟徧體汗流泣禮數拜問曰上來密語密意外還更別有意旨否祖曰我今與汝說者即非密也汝若返照自己面目密却在汝邊師曰某甲雖在黃梅隨眾實未省自己面目今蒙指授入處如人飲水冷暖自知今行者即是某甲師也祖曰汝若如是則是吾真

汝同師黃梅善自護持師又問某甲向後宜往何所祖曰逢人可止遇蒙即居師禮謝遽迴至嶺下謂眾人曰向陟崔嵬遠望杳無蹤迹當別道尋之皆以為然師既迴遂獨往廬山布水臺經三載後始往袁州蒙山大唱玄化初名慧明以避師上字故名道明弟子等盡遣過嶺南參禮六祖

前北宗神秀禪師法嗣

忍大師第二世法嗣

玄當作方

元廣幾作
應機

五臺山巨玄禪師安陸人也姓曹氏幼稟業於明福院朗禪師初講經論後參禪會及造北宗秀師問曰白雲散處如何師曰不昧秀又問到此間後如何師曰正見一技生五葉秀默許之入室侍對度幾無爽尋至上黨寒嶺居焉數歲之間眾盈千數後於五臺山闡化涉二十餘載入滅年八十一以唐開元十五年九月三日奉全身入塔

何中府中條山智封禪師姓吳氏初習唯識論滯于名相為知

當隱厄君侯可見師年九十三而終唐會昌四年甲子九月七日入塔

前嵩嶽慧安國師法嗣

洛京福先寺仁儉禪師自嵩山罷問放曠郊野時謂之騰騰和尚唐天冊萬歲中天后詔入殿前仰視天后良久曰會麼后曰不會師曰老僧時不語戒言訖而出翌日進短歌二十九首天后覽而

嘉之厚加賜資師皆不受又令寫歌辭傳布天下其辭並

敷演真理以警時俗唯了元歌一首盛行於世

嵩嶽破竈墮和尚不稱名氏言行叵測隱居嵩嶽山塢有廟

其靈殿中唯安一竈遠近祭祠不輟其殺物命甚多師一日領

侍僧入廟以杖敲竈三下云咄此竈只是泥瓦合成聖從何來

靈從何起恁麼辜物命又打三下竈乃傾破墮落安國師號為破竈

頃更有一青衣衲冠忽然設拜師前師曰是什麼人云我

持

資者賜也

了元歌見三十卷

元邊作構

本此廟竈神久受業報今日蒙師說無生法得脫此處生在永口特來致謝師曰是汝本有之性非吾彊言神再禮而沒少異侍僧等問師云某等諸人久在和尚左右未蒙師苦口直為某等竈神得什麼徑言便得生天師曰我只向伊道是泥瓦合成別也無道理為伊侍僧等立而無言師曰會麼主事云不會師曰本有之性為什麼不會侍僧等乃禮拜師曰墮也墮也破也破也後有義華禪師舉白安國師國師嘆曰此子會盡物我一如可謂如朗月處空元不見者難違伊語脉豐禪師乃低頭叉手而問云未審什麼人違他語脉國師曰不知者又僧問物物无形時如何師曰禮即唯汝非我不禮即唯我非汝其僧乃禮謝師曰本有之物物非物也所以道心能轉物即同如來又僧問如何是修善行人師曰拾捨帶甲云如何是作惡行人師曰修禪入定僧云某甲淺機請師直指師曰汝問我惡惡不從善汝問我善善

不從惡良久又曰會麼僧云不會師曰惡人無善念善人無惡心所以道善惡如浮雲俱无起滅處其僧從言下大悟有僧從牛頭處來師乃曰來自何人法會僧近前叉手遶師一巾而出師曰牛頭會下不可有此人僧乃迴師上邊叉手而立師云果然果然僧却問云應物不由他時如何師曰爭得不由他僧云恁麼即順正歸原去也師曰歸原何順僧云若非和尚幾錯招愆師曰猶是未見四祖時道理也見後通將來僧却遶師一巾而出師曰順正之道今古如然僧作禮叉僧侍立久師乃曰祖祖佛佛只說如人本性本心別無道理會取會最僧禮謝師乃以拂子打之曰一處如是千處亦然僧乃叉手近前應喏一聲師曰更不信更不信僧問如何是大闡提人師曰尊重禮拜又問如何是大精進人師曰毀辱嗔恚其後莫知所終

嵩嶽元珪禪師伊闕人也姓李氏幼歲出家唐永淳二年受具

力討切附者也山曰係名於寺掛搭之義也堂司有各帳也

榜帽上
音固祝
文曰既本
也下音
習禱也
又云一騎
服也

羅欲出
不正之婦

戒諫開居寺習毗尼無懈後謁安國師印以真宗頓悟玄旨遂卜廬於荷之麓塢一日有異人者我冠袴褶而至從者極多輕步舒徐稱謁大師師觀其形貌奇偉非常乃諭之曰善來仁者胡為而至彼曰師寧識我邪師曰吾觀佛與眾生等吾亦之豈分別邪彼曰我此嶽神也能生死於人師安得一目我哉師曰吾本不生汝焉能死吾現身與空等現吾與汝等汝能壞空與汝乎苟能壞空及壞汝吾則不生不滅也汝尚不能如是又焉能生死吾邪神稽首曰我亦聰明正直於餘神詎知師有廣大之智辯乎願授以正戒令我度世師曰汝既乞戒即既戒也所以者何戒外無戒又何戒哉神曰此理也我聞茫昧求師戒我身為明弟子師即為張坐秉鑪正祀曰付汝五戒若能奉持即應曰能不能即曰否神曰謹受教師曰汝能不淫乎曰亦娶也師曰非謂此也謂無羅欲也曰能師曰汝能不盜乎曰何之我也焉有盜取哉師曰

非謂此也謂變而福淫不供而禍善也曰能師曰汝能不殺乎曰
實司其柄焉曰不殺師曰非謂此也謂有濫誤疑誤也曰能師
曰汝能不妄乎曰我止直焉能有妄乎師曰非謂此也謂先後不
妄矣曰能師曰汝不遭酒敗乎曰能師曰如是是為佛戒也又言以
有心奉持而無心拘執以有心為物而無心想身能如是則先天
地生不為精後天地死不為老終日變化而不為動畢盡寂默而
不為休悟此則雖娶非妻也雖鄉非取也雖柄非權也雖作非故
也雖醉非惜也若能無心於萬物則羅刹不為姪福淫禍善不為
盜濫誤疑混不為殺先後違天不為妄惜荒顛倒不為醉是
謂無心也無心則無戒無戒則無佛無眾生無汝及無我無
汝孰為戒哉神曰我神通亞佛師曰汝神通十句五能五不能
佛則十句七能二不能神悚然避席跪啟曰可得聞乎師曰汝
能疾上帝東天行而西乎曰不能師曰汝能奪地祇乎

曰不能師曰是謂五不能也佛能空一切相成萬法
智而不能即滅定業佛能知羣有性窮億劫事而不能化道无
緣佛能度無量有情而不能盡眾生界是為三不能也定業亦
不牢又無緣亦謂一期眾生界本無增減更無人能主有法有法
無主是謂無法無法無主是謂無心如我解佛亦無神通也但
能以無心通達一切法爾神曰我誠淺昧未聞空義師所授戒我
當奉行今願報慈德效我所能師曰吾觀身無物觀法無常
雖然更有何欲神曰師必教我為世間事度我小神功使已發心初發
心未發心不信心必信心五等人曰我神蹤知有佛有神有能有不
能有自然之相非自然者師曰無為是無為其神曰佛亦使神護
法師寧隨不叛佛邪願隨其意垂護師不得已而言曰東巖寺之
障莽然無樹北岫有之而皆舊寺非屏擁汝能移北樹於東嶺
乎神曰已聞命矣然昏夜間必有喧動願師無駭即作禮辭

逋迤詩傳

去行可委曲之也

吼

詰且左傳曰

詰朝相見

往平且也

行植列亭

口實尚會

曰予恐未

世以台為

去也

詩十七民

勞章云

民亦勞止

助之皆詩

三也也

博爾強

藏曲礼云

君子

休者善也

仇渠中切

忍也

唐武宗

會昌年中

廢仙教

故曰仇也

去師門送而且觀之見儀衛逶迤如王者之狀嵐靄煙霞紛
綸間錯幢幡環珮凌空隱沒焉其父果有暴風迅雷奔雲震
電棟宇搖蕩宿鳥聲喧師謂眾曰無怖無怖神與我契矣詰旦
和霽則北巖松栝盡移東嶺森然行樵師謂其徒曰吾沒
後無冬外知若為日貴人將焚我以開元四年丙辰歲屬門人曰吾
始居寺東嶺吾誠汝必實吾數千彼言訖若委蛇焉春秋七十
三門人建塔焉委蛇在子孫子非汝有是天地之一人姓謙自委結而蟬蛻也踰陰陽結聚故
前山晉寂禪師法嗣寂大師
終南山惟政禪師平原人也姓周氏受業於本州延和寺詮澄
法師得法於嵩山普寂禪師既決了真詮即入太山中學者盈
室唐大和中太宗嗜蛤蚧公海官吏先時遞進人亦勞止日御
鑕中有蟬不張者帝以其異即焚香禱之俄變為菩薩形梵
相具足即貯以金粟檀香合覆以美錦賜興善寺人象僧瞻
山曰以檀香作香合用細金裝飾也

禮因問羣臣斯何祥也或言太山有惟政禪師深明佛法博聞彊
識帝即召至問其事師曰臣聞物無虛應此乃啓陛下之信心耳
故契經云應以此身得度者即現此身而為說法帝曰菩薩身
已現且未聞說法師曰陛下觀此為常非常邪信非信邪帝
曰希奇之事朕深信焉師曰陛下已聞說法了時皇情悅豫
得未曾有詔天下寺院各立觀音像以答殊休因留師於內道
場累辭不允復詔令住聖壽寺至武宗即位師忽入終南山
隱居人問其故師曰吾避仇矣後終於山舍年八十七闍維收舍利
四十九粒以會昌三年九月四日入塔
益州無相禪師法嗣忍大師
益州保唐寺無住禪師初得法於無相大師乃居南陽白崖
山專務宴寂經累歲學者漸至勤請不已自是垂誨雖廣演
言教而唯以無念為示唐相國杜鴻漸出撫坤維聞師名思

崔寧唐
朝人

賀蘭五
臺三山名

貴封地
名也

金作

今又曰
和尚印
師也名金
頭陀

溫季元作
然溫
徒童及
搖動也

一瞻禮大歷元年九月遣使到山延請時節度使崔寧亦
命諸寺僧徒遠出迎引十月一日至空慧寺時杜公與我師召
三學碩德俱會寺中致禮訖公問曰頃聞師嘗駐錫於此而
後何往邪曰無任性好踈野多泊山間自賀蘭五臺周游勝
境聞先師居貴封大慈寺說最上乘遂遠來振衣來預函丈
後棲遲白崖已逾多載矣相公見召敢不從命公曰弟子聞
金和尚說無憶無念莫妄三句法門是否曰然公曰此三句是
一非三也公曰後句妄字莫是從心之忘乎曰從心者是也公曰
有據否曰法句經云若起精進心是妄非精進若能心不妄
精進無有涯公聞疑情遽息又問師還以三句示人否曰對初
心學人還令息念澄停識浪水清影現悟無念體寂滅現前
無念亦不立也于時庭樹鳴鳴公問師聞否曰聞鳴去已又問師

言忘妄
兩字之
片也

仙世難遇
正目樣

聞否曰聞公曰鳴去無聲云何言聞師乃普告大眾佛生難值正
法難聞各各諦聽聞無有聞非聞聞性本來不生何曾有滅
有聲之時是聲塵自生無聲之時是聲塵自滅而此聞性不
隨聲生不隨聲滅悟此聞性則免聲塵之所轉當知聞無生滅
聞無去來公與僚屬大眾稽首又問何名第一義第一義者從
何次第得入師曰第一義者無有次第亦無出又世諦一切有第二義
即無諸法無性性說名第一義佛言有法名俗諦無性第一義
公曰如師開示實不可思議公又曰弟子性識微淺昔因公暇撰
得起信論章疏兩卷可得稱佛法否師曰夫造章疏皆用識心
思量分別有為有作起心動念然可造成據論文不當知一切
法從本以來離言說相離名字相離心緣相畢竟平等無有變
異唯有心故名真如今相公著言說相著名字相著心緣相
既著種種相云何是佛法公起作禮曰弟子亦曾聞諸佛奉

卷一百一

卷一百一

大德皆讚弟子不可思議當知彼等但徇人情師人必從理解
說合心地法實是真理不可思議公又問云何不生生云何不滅
如何得解脫師曰見境心不起名不生不生即不滅既無生滅即
不被前塵所縛當趣解脫不生名無念無念即無滅無念即無
縛無念即無脫舉要而言識心即離念見性即解脫離識心見
性外更有法門證無上菩提者無有是處公曰何名識心見性師
曰切學道人隨念流浪蓋為不識真心真息者念生亦不順生念滅亦
不依寂不來不去不定不亂不取不捨不沉不浮無為無相活潑
潑平常自在此心體畢竟不可得無可知覺觸目皆如無非
見性也公與大眾作禮稱讚踊躍而去後居保唐寺而終
景德傳燈錄卷第四

延祐三年刻梓于
湖州道場禪幽庵

